



ابن الزهار
بقلم / عماد عبد الحليم

اهداء .. الى .. تلك الفتاة التي اخبرتني مرارا وتكرارا

ان كفر بي الناس جميعا .. وحتى ان فقدت ايماني بنفسي ستظل تؤمن بي مهما حدث .. الى
جنتي اكتب .. ستظلي الاقرب الى القلب مهما حدث

فانت مملكتي التي اهرب من احزاني اليها .. روحي التقت بروحك صدفة

ولعلها من اجمل صدف حياتي ..

إلى فلسطين الارض الحرة .. لم انال شرف زيارتك ولو لمرة واحدة ومع ذلك فانت اقرب
بلاد الله الى قلبي ... وكيف لا تكوني الاقرب .. ودمائي فلسطينية

إلى شمسي المنيرة أبي وإلى سمائي الواسعة أمي .. وإلى امان هذا العالم أختي ياسمين

وإلى عكازي وسندي أخي كمال الشخص الوحيد الذي اتمنى ان اراه افضل مني احبكم حبا
للحد الذي لا حد له .. اتمنى ان اكون اول الراحلين عنكم .. حفظكم الله

والى من علمنى القراءة دكتور احمد خالد توفيق رحمه الله

والى قرة قلبي وعيني امى وابى واخواتى .

والى الى من علمنى ودربنى وجعل منى جندى مقاتل لا يخشى الصعاب وقادر على تحمل
الشدائد .. الى الاخ الاكبر والصدیق العزيز العريف / محمد احمد فؤاد

واهداء خاص الى اولئك المقاتلين الذين لم تستطع الحياة كسرهم .. ولم تستطع الصدمات ان تضعف عزيمتهم

الى اولئك الاشخاص الذين لا يحكوا للناس عن احلامهم بل يقومون بتحقيقها على ارض الواقع مهما كانت
الصعوبات والعقبات

الى الذين لا يؤمنون بوجود المستحيل الى اصدقائى واخواتى بالشرطه العسكرية والقوات الخاصة رفقاء القتال

احمد مختار .. احمد عبد النبى .. خالد المجدى .. خالد عصام .. ابراهيم على .. مصطفى محمود ابو يزيد .. ابراهيم
سمير .. حسنين سامي .. احمد محسن ٠٠٠ ادم عادل اهدى اليكم جميعا روايتى الاولى ابن الزهار

فى احدى القرى فى اسوان بقنا بالتحديد .. فى كفر الكوهار حيث كانت .. البداية .. صمت رهيب
يحاطو المكان ..

اكتب لكم قصتى ..

انا ادفنت حى فالمقابر .. وانا لسه مولود .. مكملتش ٦ ساعات على ميلادى .. اما تولدت لاقونى
مبتحركش .. مفيش نفس ولا نبض طالع منى ولا بيكى .. فدفنوني .. كنت اول ولد لعيلتى .. لعيله
الزهار .. ولد على خمس بنات .. فضلت فالمقبرة اكثر من ١٠ ساعات .. لحد ماجه عمران
حارس المقابر .. سمع صوت بكى شديد خارج من مقبرة عائلة الزهار .. صوت طفل صغير
.. ولانه موجود هنا بقاله ١٠ سنين .. فاقتكر انه بيتهياله او ان دى حاجه من ضمن الحاجات اللى
بتحصل هنا .. وسبنى ومشى .. وبعد ساعه رجع تانى .. وفتح المقبرة وخذنى .. وقرر ياخذنى
لبيت اهلى .. ويفرحهم ويقولهم ابنكوا ممتاش وياخذ حلاوته .. بس للاسف الموضوع مكانش
بالسهوله دى .. بيتنا كان بعيد فشرق البلد فمكان مجهور مكانش مجرد بيت عادى ده عبارة عن
قصر .. عيله الزهار من اغنى اغنياء البلد .. من الاعيان زى مايقولوا .. عمران خدنى لهنالك
.. بس للاسف وصل متاخر ..

عمران شاف رحيم كبير عيله عيله حمزاوى واخواته خارجين من بيتنا .. اتدارى لحد مامشيو
وقرب من البيت لقى البيت بيتحرق الولعه مسكاه كانه نار جهنم ..

واخواتى ووالدى وامى جواه ومقدرش يعملهم حاجه ..

عمران خدنى البيت عنده وقرر يرбинى خصوصا بعد مارحيم استولى على كل ممتلكات عيلتنا
وشرد الباقين منهم وطردهم من البلد ..

عمران اتجوز مرة ومراته توفت وهى حامل كان نفسه يشوف ابنه ويربيه .. فشاف ان ربنا
عوضه بيا .. مكانش عايش مع عمران غير اخته فريده .. كان عندها ولد واحد غيرى .. ربنتى
معاه وعمرها مافارقت بينا فالمعامله .. وعمران حكالها على كل شىء .. وقررت تساعده
وتحمينى .. وسجلونى باسم دياب عمران .. ولان عمران كان فحاله ولانه حارس المقابر وفقير
محدث اهتم ولا سال انا مين وجيت ازاي .. عشت اغرب طفوله ممكن يعيشها حد فى سنى
.. مكنتش بعيط ..

معيطش غير مرتين الاولى اما كنت عند البيت بتاعنا وهو بيتحرق .. والثانيه اما سبتهم وروحت
المقابر .. بالتحديد مقابر عائلة الزهار ..

عمران وفريده قلبوا الدنيا عليا .. لحد ملقوني قدام مقابرنا وبعيط ... كانى كنت حاسس بكل حاجه
رغم انى لسه مكنتش وصلت ٧ سنين ..

عمران قدم ليا فى مدرسه فالبلد وبعد معاناة تقبلت ..كنت طول الوقت الدراسه بقعد لوحدى فحالى ..ولانى افقر واحد فالطلاب اللى هنا مفيش حد اهتم ولا حتى حاول يعرف مالى كان كل تركيزهم على ابناء الاعيان .. بس فاكر ان فى مرة مدرس سألنى ومجاوبتش واستهزا بيا وانا زعقلته .. فقرر يضربنى ..وقفنى فى نص الفصل وقالى افتح ايدك ولسه هيضرب العصايه وقعت من ايده وصرخ مش قادر يحرك ايده دراعه كله وقف وتشل ..ووقع على الارض بيتلوى من التعب ..قربت منه وقولتله ملكش دعوة بيا متظلمش وتفترى على حد انا ابن حارس المقابر ..واللى هيحاول ياذبنى هبعته لهنالك وسبته وخرجت....

مكملتش فالمدرسة غير شهر وبعدها ترفضت ..عشان زميل ليا استفزنى وحاول يضربنى فضربته ضرب مبرح ..كانى ٢٠ سنه مش ٧ سنين اكثر من ٣ مدرسين والمدير بيحاولوا يسلكوه من ايدي معرفوش غير بصعوبه ..معرفوش غير لما خدت حقى وهديت ..اللى ضربته كان حمزه ابن رحيم حمزاوى ..عشان كده المدير اتخانق معايا وكان هيمد ايده لولا المدرس اللى فكر يعملها قبله ..بعته لعمران وتطردت بعد ماذلوه واهانوه عمل كل شىء عشان اكمل لكن رفضوه ..

خدت عمران وخرجنا من المدرسة وانا جوايا نار جهنم على المدير والمدرسه دى ..بصيت للمدرسه نظره استحقار ..عمران بيقول ان عمره ماشاف حد عينه بتلمع زى عيني اما بغضب ..ملامحى كانها ملامح ديب سهران ومنتظر فريسته ..روحنا وتانى يوم حصل اللى كان نفسى فيه ..مكتب المدير اتحرق وهو جواه والمدرسين كمان معاه ..كلهم اتحرقوا مفيش حد فيهم عاش ..عمران اما حكالى على اللى حصل للمدير والمدرسين ..قالى انه شاف فى عنيا نظرات فرح وانتصار كانى انا اللى حرقتهم ..

..طبعا حمزه راح اشتكى لوالده رحيم وحكاله على اللى عملته فيه ..ولانه كبير البلد فالوقت ده ..جه لوالدى

عمران :وهده وقاله لازم تسبب البلد انت وابنك واهلك ..لادفنكوا فيها ..وللاسف مكانش فيه حد يقدر يقف قصاد جبروت رحيم وظلمه ..وفعلا سبنا قنا وسافرنا اسكندرية ..كنت كل ماسال عمران :ليه سبنا بلدنا ليه سبنا بيتنا ..كان مبيردش او يقول نصيبنا كده الظلم اقوى منا ..وقال انا خدتك عشان احميك منهم ..كنت لسه صغير مستوعبتش كل ده ..بس كرهى لعيله حمزاوى زاد ..خرجت من البلد مقهور وحاسس انى سايب روحى هناك ..بس اما خرجت منها مخرجتش لوحدى كانوا دايم معايا ..مفيش اى حدود تقدر تمنعهم وتبعدهم عنى ..استقرينا فاسكندرية وبصعوبة لقينا بيت قريب من المقابر وعمران اشتغل نفس مهنته حارس المقابر ..ودخلنى المدرسة وتاقلمت بسرعه مع زمائلى وكنت دايم اشطر واحد فيهم ..حاسس ان فيه شىء فىا تغير اى هو مش عارف ..

مفيش اى حاجه غريبة حصلت فالمدرسة غير انى كنت بطلع الاول دايم ..من غير مذاكرة ..ايوة انا كنت بقرا الكتب مرة واحده بس ..وبفهم وبحفظ كل معلومه فيها ..دخلت اثنوية وطبعا

لأنها بتحتاج دروس كثير .. ومصاريف وعمران يدوب بيكفيينا مصاريف .. قررت اشتغل ودورت كثير .. لحد ماصديق ليا عرض عليا انى اشتغل معاه .. وهيديني مبلغ كبير .. سألته عن طبيعة الشغل قالى متقلش .. احنا هنشغل ف مصنع قريب من بيتك .. ورا المقابر على طول .. مصنع خرده وتفكيك السيارات .. روح معاه فعلا واشتغلت كانت بتجيلنا عربيات جديدة بنفكها اجزاء وعلمنى السواقه .. وتعلمت الميكانيكا .. كلهم كانوا مستغربين .. من سرعتى فالتعليم وقوتى رغم انه ميبانش عليا ..

فضلت معاه لمدى ٣ شهور لحد مافيوم جات لنا عربيه ازازها منكسر وغرقانه دم .. طبعا اترعبت من المنظر وسالتهم اى ده قالوا العربيه عملت حادثه .. اتخانقت معاهم وقولتلم فيه شىء غلط .. انتوا قتلتموا اصحاب العربيه دى ؟؟ كلهم بدون استثناء ملامحهم تبدلت وعينهم تملت رعب .. صديقى قرب منى وقالى اهدى مفيش حاجه دى عربيه عملت حادثه وبس .. سبتهم ومشيت ورجعت البيت وانا حاسس انى بغلى ازاي يعملوا كده ... عمران اول ماشافنى حس انى متغير .. شاف فى عنيا نفس نظرات الغضب والكره اللى شافها قبل كده .. نسيت الموضوع وقررت محكيش .. حتى الدروس بطلتها وبدات اذاكر انا واخويا حسام ابن فريده كان اقرب حد فيهم ليا .. كان بينا تفاهم رهيب كاننا توائم فعلا .. عشان كده مقدرتش اخبى عليه وحكيته على اللى حصل وقالى انسى كل اللى شفته ومتواصلش مع صاحبك ده تانى ...

حسام اعقل حد شوقته .. عشان كده سمعت كلامه وقررت انسى ودخلنا الامتحانات وجلينا كويس جدا .. وصاحبى بتاع مصنع العربيات مشوفتهوش تانى اختفى .. بعد الامتحانات بشهر لقيت زمائلى منزلين صورته ع الفيس بيقولوا انه انتحر مات غريق ..

وشاكين انها تكون جريمه قتل لوجود اثار خنق وتعذيب على الجسم .. الخبر ده حرفيا رعبنى .. حسام فالوقت ده كان بيحب طلبات للبيت .. مقدرتش اقدر نزلته ادور عليه وغالبا كان اغبى شىء عملته فحياتى .. نزلت دورت عليه حوالين البيت .. لقيت ثلاث عربيات جيب فاتحين مقبرة قولت اكيد بيعزوا ... بس اتضح انى كنت غلطان .. قربت منهم اكثر سمعت صوت صريخ وعايط .. ووحد لابس بدله سوداء ومعاه اكثر من ١٠ حراس .. بيضحك وفيه شخص مرمى على الارض جسمه كله متجرح واثار التعذيب واضحه عليه .. قربت اكثر منهم وداريت وحاولت اسمع الحوار اللى بينهم وكان كالاتى ...

بقى انت عاوز تقف قصاد رحيم حمزاوى ؟؟ عاوز تدخلنى السجن ؟؟ مفيش قانون فالعالم يقدر يحاسبنى او يمسنى .. القوانين دى اتكتبت عشانكوا انتوا وانا واللى زى اللى حطيناها ...

اى المشكله لما الف او الفين او حتى خمسه الاف يموتوا بسبب الاغذيه الفاسده اللى بستوردها والطعام المسرطن كده كده هيموتوا .. هو الجهل والفقر اى غير موت .. انا يدوب بعجل النهايه .. الشخص المعذب : وانت مين عشان تقتل الناس .. وكمان تعذبهم وتاجر باحلامهم وتسرقهم .. انت واللى زيك السبب فى فقرنا وجهلنا .. انتوا سرقتموا احلامنا .. رحيم : احنا السلطه والقانون وراس المال .. حاولت احذرك مرة ودى معملتهاش قبل كده .. مع اى حد .. بس انت عملت فيها ظابط شريف وحامى حمى القانون ... وانت اللى اخترت .. عارف انت بتفكرنى بمين باحمد الزهار واحد حاول يقف قدامى زمان .. عارف عملت فيه ايه ايه ؟؟ حرقتة هو وعيلته كلها وخذت كل ممتلكاته .. فاللحظه دى شخص حط ايده على كتفى وصرخت ..

..الشخص ده كان صاحب المصنع بتاع السيارات ..قال :دوختنا وراك ياخى وعذبنا صاحبك
عشان يعترف على مكانك ومبعاكش عالرغم من انه ممكن يبيع ابوه مقدرش ياذيك ..بس
برضو وقعت فايدنا وخبطنى على راسى وفقدت وعى ..رحيم : شوفوا اى الصوت اللى برة ده
وهاتوه وادفنوه مع الطابيط ادفنوهم صاحيين وولما خرجوا يدوروا كنا اختقينا ..
معلش لازم اسبيك دلوقت عندى شغل مهم وهقابل ناس مهمين نتقابل فى جهنم ياحضرة الطابيط
..ادفنوه ..

حسام رجع ولف عليا البيت كله ملقنيش ..حس بان شىء غريب حصلى ..

وتأكد اما عرف خبر موت صاحبي وان فيه اثار تعذيب وشبهه جنائيه ..انا حكيت لحسام على
مكان المصنع بس محددتش قولتله جمب المقابر ..حسام قلب عليا المقابر..كل شبر وكل مكان
..فالوقت ده صحيت على صوت نفس الراجل اللى خبطنى ... نهايه البطوليه الموت .. انا :
والله ماقلت لحد سبونى حرام عليكموا ..

مدير المصنع : نسيك؟؟نسيك ايه؟؟ محدش بيخرج من هنا عايش انت عرفت اسرارنا وتقلبت
علينا ولولا صاحبك ..كنا صفيناك فى وقتها بس هو قال هيقنعك ..انا ومصطفى هنتسلى عليك
عقبال مالرجاله تيجى من برة ..كلها ساعه ويوصلواانت كتبت نهايتك بايديك ..هنقطعك
زى العربيات وهنبيحك اعضاء بشريه ونستفاد منك .. انا : كنت بصرخ بس بدون دموع
صريخى كان بيهزهم .. صوتى اتغير ..وحسيت انى كل الوجع راح ..وقوتى رجعتلى اضعاف
مضاعفه ..وفكيت نفسى بسهولة ..وقولت : انا رجعت للحياة من تانى عشان اللى زيكوا
..رجعت عشان اقتل الظلم والخوف والجهل ..رجعت عشان ارجع للحق قوته ..انا موقعتش
فايديكوا انتوا اللى وقعتموا فايديا ..وفاقل من دقيقه كانت هجمت عليهم زى الديب الجعان ولقى
فريسته ..وقتلتهم ... وخرجت من هناك وبعدت عن المصنع ..

فالوقت ده حسام ظهر ..شاف الدم مغرق هدمى اترعب .. حسام: دياب اى الدم ده ..وشك
ولبسك كله متغرق دم ..

حسام نظراته وعينه كانت كلها رعب وخوف ..روحنا جمب المقابر اللى كان فيها الطابيط اللى
اندفن وترمى فالمقبرة حى صممت اروح هناك ..وطلبت من حسام يجبلى لابس ومياة عشان
اغير واتخلص من الدم اللى مغرقنى ده وقولتله هنتظرك ...

اول شىء جه فبالى الطابيط ..عملوا فيه ايه موتوه؟؟ولا رموه فالمقبرة؟؟كان شىء غريب
بيحركنى كانى مش انا اللى بتحكم فافعالى ..فتحت المقبرة ونزلت ادور عليه ..وغالبا كانت
تانى اغبى حاجه اعلمها فحياتى ..كم جثث واكفان رهيبه ..بس حمدت ربنا على انه قريب من
باب المقبرة ..حاولت احركه واكلمه مفيش اى استجابه منه ..شيلته وخرجته برة المقبرة
..وقعدت جمبه لحد ما حسام جه ..ونظرات الرعب والقلق مستحوذه عليه .. يخربيتك يادياب ايه
ده كمان بينى انت سفاح ...قولتله اهدى عاوزين نفوقه فيه نبض لسه ..بس فحاله اغماء حسام :
اغماء ليه؟؟

انا : طبيعى يغمى عليه من الرعب اللى شافه تحت فالمقبرة ..

ده ادفن صاحى يا حسام .. حسام حاول معاه .. وانا غيرت هدومى ومسحت الدم ورميت الهدوم
دى جوه المقبرة

حسام : مفيش فايدة ده هيفضل فغيبوبه لمده سنه بشكل ده قولتله سببه .. وتعالى اقل معايا
المقبرة دى بعد ما قفلناه وخلصنا .. لقينا الطابط واقف وانا ونظراته كلها فزع و هلع .. وعينه
كانها نار جهنم .. وقال ليه كده واغى عليه ووقع .. كان باين على جسمه الضعف من كتر
التعذيب .. من حسن حظنا ان كان لوالدى عمران اوضه بيجى يقعد فيها فالمقابر اما كان بيجى
يحرصها وبيات هنا .. قبل ما يتعب وميقدرش يتحرك من البيت .. ثلثته انا وحسام ودخلناه فيها ..
حسام : انت عارف انت عملت ايه ياديا ب؟؟ قتلت اتنين .. وعرفت بلاوى سوداء .. وانقذت طابط
من الموت وغالبا اما يفوق هيكلبشنا كلنا وهتودينا فدهية ..

دياب : بضحه مستقزه لا متقلش كله هيبقى تمام كل حاجه مترتبه لها ومعمول حسابها بس انا
حاسس انى سمعت اسم الزهار ده قبل كده فين مش فاكر .. بس فعلا الاسم محفور فدماعى
... حسام : برضو الاسم مش غريب عليا وحاسس انى امى حكيتلى عنهم قبل كده وكثير كمان
.. فاللحظه دى ظهر شخص كان فاخر توقعاتنا اننا نشوفه فالوقت ده بالذات وفالمكان ده

.. اللى ظهر كان عمران ملامحه كلها فرح وسرور عمرى ماشفته مبسوط بالشكل ده .. عمران
: اخيرا لقيتكوا يابنى دورت عليكوا كثير .. مبرووووك النتيجة ظهرت وكل واحد فيكوا هيدخل
الكلية اللى كان نفسه فيها .. حسام جاب ٩٧% دلوقت هيدخل صحافه واعلام زى ماكان عاوز
.. وانت ياديا ب بقول تشوف هتشتري البالطوا منين انت جيت ٩٩% وهتدخل طب زى ماتمنيت
.. حسينا بفرحه وسرور نسيتنا كل حاجه حصلت فاليوم .. لدرجه اننا نسينا الطابط اللى مرمى
جوه .. عمران دخل الاوضه ولقاء مرمى ع سرير كانه ميت .. وبعد الحاح كبير منه عشان
يعرف مين ده وليه دخلناه جوه .. مكنش قدامى حل غير انى احكى .. حكيت ليه كل شىء
.. ملامحه كانت ثابتة لحد .. ماحكيت عن رحيم حمزاوى واللى قاله ..

وملامحه اتبدلت وتغيرت .. ملامح مليانه فزع ورعب كانى كنت بحكى عن ملاك الموت
.. وبكى بصوت عالى .. انا سبتك قنا يارحيم كلها وجاى برضو ورايا .. ليه بس كده يارب
.. فاللحظه دى مقدرتش امسك نفسى وسالته .. علاقتك بيه ايه ومين عيله الزهار .. رفض مرة
واتنين وتلاته لحد ما هدته بانى هسبهم وهمشى لو محكاش .. كان عارف انى مبهزرش ولا
خدت قرار مفيش قوة فالعالم تقدر تمنعنى عنه .. فحكى حكى كل شىء ...

عمران : احنا من قريه كوهار بقنا وانت ابن احمد الزهار ادفنت عايش وانت مكملش ع ميلادك
ساعات .. وانا اللى خرجتك وروحت اوديك لاهلك لقيتهم كلهم اتحرقوا النار كانت ماسكه فيهم
.. شفت رحيم حمزاوى واخواته خارجين من عندكوا .. وفرحانين خدتك وربيتك .. خفت عليك
من بطش ولاد حمزاوى ياديا ب .. وبعدها بشهر استولوا على كل ممتلكاتكوا ..

ابوك كان راجل طيب ياديا ب .. عمره مارضا بالظلم وكان دايم بيقف مع الغلابه .. رحيم كان
بيجبر الغلابه ببيعوه ارضهم .. واللى يرفض كان بياذيه ابوك الوحيد اللى اتصدا ليه وانت اما
دخلت المدرسه والمدرس حاول يزعلك ويضربك دراعه اتثلت واما طردوك من هناك بسبب

حمزه بن رحيم المدير اتحرق تانى يوم بالمدرسين .. اما خرجتك من المقبرة كنت متأكد ان
حصلك شىء جوه انت ادفنت اكثر من ٦ ساعات اى حد بيتولد بيبقى طبيعى اول حد يشوفه
يكون امه .. مش جنث ومقابر اما خرجتك عيونك كانت بتلمع زى عيون الديق وحمرا زى الدم
عشان كده سميتك دياب...

واما خدتك ورحت بكيت كانك حاسس وشايف كل حاجه اعذرني يابنى لو كنت دخلت كنت
تحرقت معاهم .. بس ربيتك وعلمتك عشان اما تكبر ترجع حقك يبنى

دياب : واهو تحرق ودفع التمن ..ليه ياوالدى خبيت عليا كل ده ..ليه مقولتليش انى المقابر
الوحيدى اللى كنت بقعد قدامها وتعلمنى ادعى وختلتى اقرا ليهم قران ..كانوا اهلى ..ليه خبيت
عنى ..

عمران : مكانش قدامى حل تانى يبنى ..

دياب : انا لازم امشى دلوقت مش قادر افضل هنا ..

حسام : اهدى يادياب العصبية مش هتفيدك بحاجة لازم تهدى ونفكر سوا ازاي نرجع حقك
ياخويا ...دياب : اترميت فحضنه وبكيت اول مرة احس بحرقة وانكسار كده ..فضلت ابكى لحد
ماهديت بس من جوايا جهنم ..

دياب : خلوا بالكوا من الضابط اللى جوا انا هروح مشوار وهرجع تانى ..الضابط ده اول سكينه
هنستخدمها فديح اب حمزاوى .. بكره بالكثير وهرجع متقلقوش ..حسام : رايح فين طيب
عرفنى ؟؟ ..دياب : رايح ازور اهلى يااحسام ..خرجت من هناك وانا بفكر فشىء واحد ازاي
اوصل لرقبه حمزاوى ..

انا مش عاوز اموته بس لا انا عاوز اكسره واخليه يحس بنفس طعم المرارة اللى حاسس بيها
دلوقت ..ركبت المواصلات وسافرت لقنا ووصلت فعلا لقرية كوهار وسالت عن المقابر
..وصلت لهنالك ..سالت الحارس فين مقابر عيله الزهار خدنى ليها .. واحنا ماشيين دار الحوار
بيننا كالتالى حارس المقابر : غريبه اول مرة اشوف حضرتك انت تانى حد يجى للمقابر دى
..بعد حسين بيه ..

دياب : حسين بيه مين ؟؟ الحارس : راجل كبير بيلبس بدل دايمما ماشاء الله عليه غنى بقولك
بيه يجى المقابر هنا بقاله ٣ سنين كل اسبوعين او تلاته بيحى هنا يفضل قاعد قدام المقابر
بتاعت الزهار ..بالست ساعات ويدينى اللى فيه النصيب ويقولى اهتم بالمقابر دى وهاتلها
مقراين ..وهو اللى بنى المسجد اللى على اول المقابر ده ..وسماه باسم الزهار غير الاعمال
الخيريه اللى بيعملها والصدقات ربنا يكرمه يارب ..دياب : طب هو يقربلهم ؟؟؟ مسالتوش ..

لا يابيه سالتة كثير بيقول انه كان صاحب احمد الزهار الله يرحمه ..حتى اشترى قصر الزهار
..دياب : اشتره من رحيم حمزاوى ؟؟ الحارس : لا يابيه رحيم ساب اللبلد يجى اكثر من ١٠
سنين وكل اهله مشيوا سافروا اسكندرية ..هو فعلا كان قاعد فالبيت ده بس مقدرش يعيش فيه
...بيقولوا فيه جن وارواح ..واصوات غريبه بتطلع منه ..فرحيم باعه بنص تمنه لواحد من

معارفه .. وياسين بيه اشتراه منه .. احنا وصلنا يابيه هي دي مقابر عيله الزهار هسيبك انا ..
دياب : شكرا جدا انفضل .. قعدت قدام المقبرة وبدات اتكلم :السلام عليكم دار قوم مؤمنين انتم
السابقون ونحن اللاحقون ..السلام عليك يابى السلام عليكى يامى وياخواتى ..اخيرا اتجمعنا
تانى بعد اكثر من ١٨ سنة .. بدا صوتى يعلى واقول وحشتونى اووى ليه مشيتوا وسبتونى ..
وفجأة ظهرلى شخص كنت بشوفه دايمًا لما حد بيزعلنى ..كانه الحارس بتاعى بس عمرى
مأعرفت اسمه ..وكانت ملامحه قبل كده مش واضحة ..المره دى كل شىء فيه واضح ..قرب
منى وقالى اهدى يابنى ..انا ابوك احمد الزهار انا عمرى ماسبتك عمرنا مبعدنا عنك احنا جمبك
دايمًا ..فاكر المدرس اما زعلك انا الللى اذيتة ..وكذلك حرقت المدير واللى معاه ..وساعدتك
تفك قيودك فالمصنع ..وتقتلهم ..

دياب :يعنى انت كنت طول الوقت معايا وبتساعدنى وبتبعتنى علامات ..وانا مكنتش قادر افهم
..طول المده دى كان انت ..طب ليه مقلتتش رحيم وخلصت الناس من شره ..

احمد : ومين قالك انى محاولتتش بدل المره الف ..بس مقدرتش رحيم اما ظهرتله فالقصر حمى
نفسه بتميمه ..مبيلقهاش لابسها طول الوقت حوالين رقبتة ..عشان كده مقدرتش اعمله حاجه
وكذلك ابنه حمزه اختفى مقدرتش اوصله ..انت الوحيد الللى تقدر عليه يادياب ..انت سيف الحق
..انت رجعت من الموت عشان ترجع للحق قوته انت قوتك ..وروحك مخلوقه من فولاذ
محدث قابل ملك الموت ورجع تانى للحياة غيرك ..وفجأة اختفى وانا صرخت ..

انت الوحيد الللى تقدر عليه يادياب ..انت سيف الحق ..انت رجعت م الموت عشان ترجع للحق
قوته انت قوتك ..وروحك مخلوقه من فولاذ محدث قابل ملك الموت ورجع تانى للحياة غيرك
..وفجأة اختفى وانا صرخت ..لقيت حارس المقابر بيصحينى .. الحارس: اصحى يابيه اصحى
دياب : ايه فى ايه .. الحارس : انا سبتك من ساعه وجبت لقيتك نايم قصاد المقبرة وعمال تعيط
وتكلم مفهمتش من كلامك حاجه ..وفجأة بدات تصرخ فصحيتك ..دياب : ياه نمت هنا ساعه
كامله دانا حاسس انى مكملتش هنا دقائق ..انا لازم امشى دلوقت ..وانا خارج قابلنى شخص
ملامحه مش غريبه عليا حاسس انى شفته قبل كده ..ملامح مالوفه هو نفسه بصلى باندهاش
وحسيتة عاوز يكلمنى ..بس مكانش فيه وقت ولازم اسافر اسكندريه ..عشان اشوف عمران
وحسام عملوا اى مع الظابط ..روحت فعلا ..ولقيتهم كلهم فانتظارى .. ماعدا واحد .. الظابط
اختفى .. عمران : حمد الله ع سلامتكم يابنى قلفتينى عليك ... دياب : الله يسلمك فين الظابط ..
حسام : انا مش عارف اقولك اى ولا اجبهالك ازاي الظابط ايمن اتخطف ..دياب : اتخطف؟؟
ازاي؟؟ومين؟؟ الللى خطفه؟؟ عمران : اتخطف قبل متوصل بتلات ساعات كان يدوب فاق
وهيبتدى يحكلنا الللى حصل له واى وقعه فطريق رحيم حمزاوى ..دخل علينا اكثر من ١٥
واحد شبه الجبال ومعاهم اسلحه .. حاولنا نقاوم بس هما اكثر ..شلوا حركتنا لحد مخطفوه
واختفوا .. دياب : اكيد ابن حمزاوى هو الللى عمل كده عشان يقتله وينقذ نفسه ..عمران : لا
يابنى لو كان رحيم الللى باعت الناس دى كان زمانا كلنا مدبوحين ومدفونين هنا ..الللى خطف
الظابط عاوز يسمع منه ويستفيد بالمعلومات الللى معاه .. دياب : تقصد ايه؟؟ ..حسام الللى رد

المررة دى : يعنى فيه عدو لرحيم عاوز ينتقم منه زينا .. عشان نحارب رحيم لازم نكون فى مركز قوة و لازم نعرف مين العدو ده و نكون معاه .. دياب : صح عندك حق ...

حسام : عشان كده انا هدخل كليه حقوق .. وانت لازم تدخل كليه طب و تتفوق .. رحيم عنده اكبر مستشفيات فالبلد .. واغلب وقته بيكون فيها .. وبيعمل شغله كله من هناك .. دى المعلومات اللى قالها الطابط قبل ما يتخطف ..

دياب : هتضحى بصحافه و اعلام عشان حقوق ؟؟ حسام : لا هضحى بيها عشانك انت .. من خلال حقوق ودراسه القانون هيكون خطرى على حمزاوى اكبر .. هقدر اوقعه فى قضايا باستمرار .. واطلعه منها وابقى قريب منه .. احنا تعاهدنا نكون سوا يادياب فالحياء و الموت .. دخلنا الكليه وتفوقنا فاول سنه .. بس حصل شىء مكنش فالحسابان .. عمران صحته بقيت فالنازل .. قبل ما يموت بيوم طلبينى و قالى شىء غريب جدا ..

عمران : دور ع عمك يادياب عمك ياسين جدتك خدته و سافرت وجدك الزهار حاول يوصلها بشتى معرفش ..

دياب : عمى ؟؟ طب هربت ليه ؟؟ عمران : جدك الزهار كان طبعه صعب .. وكان ليه فتحضير الجن والارواح .. و ليه بدل الخادم الف .. بس عمره ماذى حد جدك كان بيحب يتعلم كل شىء عن السحر و ياما فتح مقابر بالجن بتوعه و خدامه .. جدتك خافت ع عيالها ليقفوا زيه .. و حاولت تهرب كذا مرة بس معرفتش .. لحد مافى مرة جدك كان واخذ معاه ابوك و مسافر و تعب دخل فغيوبه لمدته يومين ..

وساب عمك ياسين مع جدتك .. جدتك عرفت و استغلت الفرصه و خدت ياسين و هربت .. و محدش عرف عنها شىء تانى ولا عن ياسين .. عمك ملامحه قريبه من ابوك ... عمك هو قوتك و هو اللى هيسندك .. و قالى كمان لما لقيتك فالمقابر مكنتش لوحدك ...

كانوا حواليك حارسينك باوامر الزهار .. و تانى يوم مات .. و بعدها بشهر اخته فريده برضه ماتت .. زعلت عليه بس واضح من كتر مازعلت و عانيت مبقاش بيظهر عليا .. رغم انى كنت بحس بكابة و تعب من كليه بس حسام كان دايم بيقوينى ويسندنى ..

حسام خالص كليته بتقدير جيد جدا اول حاجه عملها انه قدم فشرکه حمزاوى قدم فى كل فروع شركاته .. كنت بحس ان ده تار حسام اكثر من كونه تارى .. وانا طوال فترة الدراسة كنت بروح قدم فمستشفيات حمزاوى .. ادرب حتى .. المهم ابقى موجود ..

حسام : انا تقبلت يادياب فشرکه حمزاوى للاستيراد و التصدير هشتغل فالتشؤون القانونيه .. اول خطوه نجحت ياخويا .. دياب : الحمد لله عقبال الجاى .. حسام : مالك يادياب ؟؟ ليه الفتور ده انت اقوى من كده .. بعدين كلها سنه و تخلص يادكتورنا و ترتاح من ضغط الدراسة ده ..

دياب : انا مش تعبان من الدراسة بس زهقت .. ليه مسبتنيش اروح اقتله .. ليه خلتنى استنى كل ده ..

حسام : عشان هتقتله وهتتحبس وانا هعيش لوحدى يادياب .. انت ابني واخويا ومينفعش تمشى
مهما حصل ..

دياب : كلامك بياثر فيا بشكل رهيب ياخى .. علموك كده فحقوق ههههههههه حسام : ههههههه
مفیش کلیه بتعلمك كل حاجه انمت يدوب بتاخذ عناوين وبتبحث بقا براحتك انا قریت كتب فعلم
النفس وكتب فالتاریخ والحضارات وفى الفلسفه قریت فكل شىء ،، كل كتاب قریته خلانى
شخص جدید ضاف لیا حاجه .. انا اهتمیت بالمخ على عكسك انت اهتمیت بعضلاتك ههههههه
اللّی یشوفك یقول مصارع مش دكتور دانتا بتلعب جیم وفنون قتالیه اكثر مابتذاكر ياخى

دياب : هههههههه هو العقل السليم فین؟؟؟ مش فالجسم السليم برضه .. ثانيا انا بلعب وبجيب
امتیاز برضه .. حسام : هموت واعرف بتعملها ازای دی .. دياب انت لیه بطلت تروح قنا انت
روح تلات مرات وبطلت ..

دياب : مش عارف بس اوقات بخاف اروح هناك او بكسل او بيكون عندى مذاكره .. حسام لازم
تروح وتدور ع اى حد عارف عمك ده .. مش جايز يطلع مليونير ولا حاجه ويساعدنا بدل
المرطه دی .. واهو هنعمل اللّی عایزینه بسرعه ..

دياب : عندك حق فعلا هسافر انهارده .. سافرت وسالت كل حد قابلته فى قرية كوهار ولقيت
كل شىء اتغير حتى اشكال المقابر كانهم هدوها وبنوها تانى .. الا مقابرنا .. لسه زى ماهى
بنفس الشكل كانى سايبها امبارح ..

قریت الفاتحه وانا خارج قابلت نفس الشخص اللّی قابلته قبل كده .. بس فيه حاجه غريبه غالبا
مكبرش ولا ملامحه تغيرت ولو لسنه .. كانه ميكيبرش فالسن ..

دياب : السلام عليكم حسين بيه ؟

حسين : اهلا يادياب كنت منتظر زيارتك من زمان مبسوط بالنجاح اللّی وصلته انا كنت
متابعك وعارف كل اخبارك وعارف انك دكتور وحسام بقى محامى واشتغل فشرکه رحيم ..
دياب : انت عارفى ازای؟؟ وعارف كل ده ازای؟؟ قبل مايرد فيه اتنين راكبين عربيه
ضربوا علینا رصاص واخفقوا .. انا اتصبت وحسين كمان اتصاب .. الرصاصه جت فدراعى
.. وحسين الرصاصه جت فكتفه قریبه من القلب ..

حاولت اوقف النزيف وطلبت الاسعاف وعلى غير العاده وصلوا بسرعه .. ودخل غرفه
العمليات .. واحتاجوا اكثر من ۳ اكياس دم وفصيله الدم دی نادره جدااا ومش موجوده
فالمستشفى .. دياب : ممكن تشوفوا فصيله دمى لو متطابقه خدوا كل اللّی انتوا محتاجينه .. كنت
مرعوب عليه وخايف يموت .. فعلا فصيله دمى طلعت متطابقه .. وبعد نص ساعه بظبط لقيت
بنت فى منتهى الجمال .. عمرى ماشفت حد بالجمال والبراءة دی .. ع رغم ان ملامحها كانت
مغطيهاها الدموع والرعب اللّی انها كانت اجمل من اجمل حاجه شوقتها فحياتى ..

قربت منى وقالت : بابا فين جراه ايه بالله عليك طمنى ..حاولت اهديها بصعوبه ..وجت الممرضه ومعاه الاستمارة وقالت لازم حد قريب المريض يملاها عشان العمليه غرفه العمليات جهزت ومتظرين التوقيع .. وقعت وشفنت التوقيع كويس اوى ..وقعت باسم مى ياسين الزهار .

كنت مرعوب عليه وخايف يموت قبل ما عرف عنه كل حاجه وازاى عارفنى ..فعلا فصيله دى طلعت متطابقه ..

وبعد نص ساعه بظبط لقيت بنت فى منتهى الجمال ..عمرى ماشفت حد بالجمال والبراءة دى ..ع رغم ان ملامحها كانت مغطياها الدموع والرعب اللى انها كانت اجمل من اجمل حاجه شوفتها فحياتى ..قربت منى وقالت : بابا فين جراه ايه بالله عليك طمنى ..حاولت اهديها بصعوبه ..وجت الممرضه ومعاه الاستمارة وقالت لازم حد قريب المريض يملاها عشان العمليه غرفه العمليات جهزت ومتظرين التوقيع .. وقعت وشفنت التوقيع كويس اوى ..وقعت باسم مى ياسين الزهار ...

دياب : مين ياسين ده مش والدك اسمه حسين؟؟

مى : لا ده اسم الشهرة .. لكن الاسم الحقيقى ياسين ..وقالى مذكرش انى من عيله الزهار او اسمه ياسين عشان فيه مشاكل ممكن تحصله بسبب الاسم ...

انا ليه حاسه انك مندھش اوى انت تعرف حد من عيله الزهار ... دياب : اه اسمع عنهم .. فاللحظه دى الدكتور خرج روحنا عليه انا ومى وسالته اخباره ايه ..

الدكتور : اطمنه حالته استقرت كان فيه رصاصه بينها وبين القلب اقل من ٥ سم .لكن الرصاصه مسارها انحرف ...

كمان فيه شىء غريب جدااا انا شغال دكتور بقالى ٢٠ سنة ودى اغرب حاله اشوفها .. فصيله الدم دى نادرة جدااا فصيلة الدم AB- تعتبر أكثر فصائل الدم ندرة ...

انت اللى نقذتوا صح انت ابنه ..

دياب : لا مش ابنه

الدكتور : اكيد فيه صلته قرابه كرات الدم وتكوينه متشابهه بنسبه عاليه .. بس بجد برافوا عليك انك قدرت توقف النزيف وتتعامل مع الحائه صح ، اى غلظه بسيطه كان مات ..

دياب : اه منا تعلمت كل ده انا فاضلى سنه واتخرج من كليه الطب .. الدكتور : ماشاء الله عليك ربنا يزيدك ويوفقك انا اسف مضطر امشى دلوقت بس حابب اطمنكوا حالته استقرت والفضل يرجعلك عن اذنكوا ...

مى : انت مين ياديباى؟؟؟ وقبل مجاوب جالى اتصال من حسام : انت فىن ياديباى انا وصلت
لحاجه مهمه اووى ولازم اشوفك حالا ..

دياب : حاضر ٣ ساعات بالكثير وهكون عندك .. انا اسف مضطر امشى حالا يامى وهرجع
تانى ..

روحت فعلا وحسام اول ماشافنى اتخض وملامح الفرع اترسمت على وشه ..حسام : اى اللى
عمل فيك كده؟؟ ليه مجيبس دراعك ؟ حصلك اى؟؟

دياب : هحكىلك كل حاجه بس انت فهمنى انت وصلت لايه؟؟ حسيتك مبسوط ووصلت لحاجه
مهمه فشركه حمزاوى ..

حسام : مبسووووووووود جد!!!!!!!!!!!!!! بص ياسيدى اول حاجه فاكرا اما الطابط اتخطف
..وخالى عمران قال : ده اكيد عدو لرحيم ،، العدو ده موجود فعلا .. انا شفت كل ملفات
الشركه والصفقات اللى عملوها .. فيه حد بياخد منهم الصفقات ..دى ويحاول يوقع الشركات
بكل الطرق اللى تتخيلها ..غير مصانع الخشب اللى تحرقت فاكتوبر ..وماكينات الغزل والنسيج
اللى تم اتالفها فمصنع بالعاشر .. ٧ سنين ورحيم فخرارة مبتخلصش ..ده كوم واللى جاى كوم
تانى خالص ..شركات رحيم عليها اكثر من ٢٠٠ قضية كل مايكسبه قضيه يطلع لهم غيرها
ومع ذلك شغاله ..كمان صفقات السلاح والمخدرات كانت بنتهاجم ..رحيم خسر ف ٧ سنين
اكتر من ٨٠٠ مليون دولار ..بس انا متأكد انه ميعرفش مين عدوه ده ..ياما عدوه اكبر منه
..لانه لو عارفه مش هيسيبه وهيخلص عليه ويحمى نفسه من الخسارة ..

دياب : اخبار حلوووة جدا!!!!!!!!!!!!!! ..حسام : لا وفيه الاحلى ياديباى انا حبيت

دياب : حبيت؟؟ حبيت مين ياخويا؟؟ حسام : سارة سكرتيرة حمزاوى ..دياب : انت مجنون
ياحسام مش لاقى غير دى؟؟ انت بتهزر اكيد ..

حسام : لا والله مش بهزر انا تعرفت عليها فالبدايه عشان اعرف معلومات اكثر ..ولقيتها
بتساعدى وبتدنى بكل حاجه انا محتاجها ،،وقربت منها اوى وروحي تعلقت بيها ونفسى
اتجوزها .. دياب : انت مستحيل تكون حسام العاقل اللى اعرفه ..مش يمكن متفقه مع حمزاوى
عليك ..مش ممكن تبيعك فای لحظه ..

حسام : مستحيل سارة تبعدنى ومستحيل اخسرها انا واثق فيها اوى ..وهتساعدنا عشان نوصل
لرقبه حمزاوى ياديباى ..وكمان قالت لى حمزه نازل مصر قريب خلال الاسبوع ده ..

دياب : انا خايف عليك يااحسام خايف لتعانى بسببى فيوم من الايام ..

حسام : اوعى تقول كده تانى احنا اخوات ميفرقش بينا غير الموت .. احكىلى بقى اى عمل فيك
كده .. دياب : فاكر الراجل اللى حكيتلك عليه قبل كده حسين بيه اللى شوقته فالمقابر وبيزور
مقابرنا باستمرار ..

حسام : اه فاكره طبعا ..

دياب : ده بقى ياسيدى طلع عمى اللى كنت بدور عليه بس طلع مراقبى وعارف كل حاجة وعارف حتى عنك كل حاجة ..بس قبل مايحكلى عرف ازاي انضرب علينا نار ..ودخلنا المستشفى وسايه هناك حالته مستقرة ...

حسام : طب ازاي اسمه حسين؟؟؟ دياب : لا ده اسم الشهرة واخده ساتر ليه علشان حمزاوى اكيد ..لكن هو اسمه الحقيقى ياسين الزهار ..حاسك مضايق يااحسام مالك؟؟ سكت فجاة كده .. حسام : انت عرفت اهلك يادياب وعمك رجلك .. بس انا اتولدت من غير اب عايش بس معرفش مكانه ولا اعرف عنه حاجه ..كل اللى اعرفه انه سافر وسابنى ..وامى فريده قبل ماتموت كانت بتقولى سامحنى بينى وامتز علش منى اللى اى حاجه حصلت كان غصب ..وابوك لو رجع وهيرجع سامحه ..كلنا بنرجع وقالت كمان اما اموت ابقى نصف اوضتى كويس ونصف الحيطان والصور اللى عليها ...

دياب : كلامها غريب فعلا طب انت نضفت الصور وعملت زى ماقلت ..حسام : لا كنت مشغول دايمًا وبنسى الصور صح عندك حق اكيد فيه حاجه فالصور فعلا دخلنا دورنا سوا نزلت كل الصور بس مفيهاش حاجه ولا وراها .. فقدت الامل خلاص ..وافتكرت صورة امى وخالى عمران المتعلقه فالصالة ..جبتها لقيت مكتوب فظهرها ..سامحنى يااحسام كل حاجه حصلت غصب عننا جدك كان بطشه شديد وظالم ..ابوك كان مسافر من سنين مع امه .. ولما ماتت رجع لابوه هنا فكفر الكوهار ..وشافنى وحبنى ..وقال لجدك وجدك رفض وزعله .. ومكتش فيه حل تانى غير اننا نتجوز فالسر كان عمران وواحد صاحبه بس اللى عارفين وشاهدين على الجواز .. جدك عرف باللى حصل ..جه هددنى وقالى لو تكلمتى هقتلك ..وهدد ابوك وجوزه بنت من معارفه وخلاه طلقنى ..

وسافر خالص وسبنا فالوقت ده كنت حامل فيك بعدها بتلات شهور اتجوزت صاحب عمران ومات بعدها ب ٥ شهور وعمران سجلك باسمه هشان جدك الزهار ميعرفش عنك حاجه وميذكيش ..بس ابوك الحقيقى بيقى ياسين الزهار يااحسام ..وجالى من ٧ سنين عرض عليا نتنقل كلنا معاه ..بس عمران رفض وحكاله عالى رحيم عمله وع ان دياب بيقى ابن اخوه وقاله خليه معاه بعيد عن حربك انت وابن حمزاوى ..قولتله ابعدهم عن النار اللى لو قامت هتحرق فالكل سامحنى يابنى ..وخلى بالك من ابنتك عمك احمد الزهار ..خلى بالك من دياب .

ابوك الحقيقى بيقى ياسين الزهار يااحسام ..وجالى من ٧ سنين عرض عليا نتنقل كلنا معاه ..بس عمران رفض وحكاله عالى رحيم عمله وع ان دياب بيقى ابن اخوه وقاله خليه معاه بعيد عن حربك انت وابن حمزاوى ..قولتله ابعدهم عن النار اللى لو قامت هتحرق فالكل سامحنى يابنى ..وخلى بالك من ابنتك عمك احمد الزهار ..خلى بالك من دياب ...

دياب : مالك يااحسام انت بتعيط ليه مالك؟؟ ملامحك تغيرت كده ليه فيه ايه بينى؟؟ اى الجواب اللى فايدك ده؟؟ حسام : اتفضل اقرا ..

دياب : هات وريني كده ايه ده احنا ولاد عم .. انت ابن عمى ياسين يا حسام .. عشان كده كنت طول الوقت بتساعدنى عشان تارى هو تارك ..

حسام : انا مكنتش اعرف غير دلوقت لما لقيت الجواب ده فضهر الصورة بس كان فيه شىء غير طبيعى بيحركنى عشان اساعدك بكل الطرق .. مكنتش اعرف ان ده السبب .. دياب : بس انا كنت طول الوقت حاسس انك منى وانك اخويا فعلا ...

حسام : انت ابني انا يادياب وهميك بحياتى وروحى لو تطلب الامر .. بس دلوقت احنا هنعمل ايه؟؟..

دياب : هنعمل اى فاي هنروحله المستشفى طبعا ونفهم منه كل حاجه .. وعلى فكرة طلع عندك اخت زى العسل ههههههه اسمها مى

حسام : لم نفسك ياض وبعدين احنا فايه ولا ايه مش كفايا كم المفاجات يلا بينا عشان متاخرش .. انا هموت واشوفه ... قبل منخرج من الشقه : تليفون حسام رن اول مشوفت الابتسامه البلاء مرسومه على وشه عرفت انها اكيد سارة .. خلص المكالمه .. وقالى اسبقنى انت وانا هحصلك سارة كلمتى وقالت انها جابت كل الملفات وحسابات بنوك رحيم اللى برة وكمان بتقولى عرفت مواعيد عمليات تسليم السلاح ومكانها .. دياب : طيب انا هاجى معاك ..

حسام : لا روح انت لعمك وانا هجيب الورق واجيلك .

دياب : لا برضو عاوز اجى معاك انا مش مطمئن ولا مرتحالها سارة دى

حسام : اسمع الكلام بقولك هقابل سارة عاوز تبقى عزول متقلقش انا مش هتاخر

ولو حصل حاجه انا هكلمك اطمن سارة عمرها ماتبعنى ولو فكرت هيبقى اخر يوم فعملها

دياب : ربنا يستر انا هستناك فالمستشفى بالله عليك تكلمنى وتطمنى اول باول .. حسام : سلام بقى هشوفك هناك وخرج فعلا ومشى .. بس من جوايا مش مطمئن .. فكرت فصاحب ليا اسمه فادى لو طلبت عيونه مش هيتاخر عليا وقولتله عاوز منك خدمه وقلت وروحت لعمى فعلا .. مى اول ماشافتنى جت عليا جرى .. سالتها قولتها

مى : انت مشيت وسبتنا ليه؟؟ سبتنى وانا عندى الف سؤال؟؟ والفضول هيموتنى ؟ انت مين؟؟

دياب : انا دياب احمد الزهار ابن عمك اللى اتقتل زمان مش عارف عمى ياسين حكاك حاجه ولا لا بس انا ابن عمك .. مصدومه؟؟ امال لو عرفتى ان ليكى اخ هتعلمى اى يامى ..

مى : اخ؟؟ اكيد انت بتهزر؟؟ فاللحظه دى ظهرت الممرضه بتقول .. استاذ ياسين فاق وطالب يشوفكوا .. والدكتور موجود معاه فعلا دخلنا .. مى : بابا انت بخير؟؟ هو ميبردش عليا ليه يادكتور ... وليه مركز مع دياب كده ..

الدكتور : لانه لسه تحت تاثير المخدر والدك خارج من عمليه كبيرة ..وبصراحه محدش كان متوقع انه يفوق بسرعه كده .. اه وعلى فكرة اول مافاق قال جملة واحده بس

دياب : قال اى يادكتور ؟؟

الدكتور : قال الحق حسام يادياب ..حسام فى خطر ..ومن وقتها متكلمش تانى ..زى مانتا شايف كده ..

فيكتور : اذيك ياحمزه اخبار التجهيزات لعملياتنا اى فى مصر ؟؟

حمزه : كل شىء تمام ومعمول حسابه والرجال مستعدين .. بس هو ممكن اسالك سؤال بدافع الفضول مش اكثر ليه مصر ؟؟؟

فيكتور : انت عارف ياحمزه ممنوع الاسئله بس هجاوبك ..عشان انتا شغال معانا بقالك كثير

..

مصر اخطر واهم دوله فالدول العربيه .. لازم تفضل فمشاكل مستمرة ...صراعات فقر جهل ..لازم كل اللى عايشين هناك تبقى اولوياتهم الاكل لقمه العيش وبس وميقاش فيه مجال تانى للتفكير ..فاى حاجه تانيه يبقى كل همهم انهم يعدوا يومهم على خير ومش مهم بكرة .. مش مهم المستقبل .. ولا ايه اللى بيحصل فالدول العربيه التانيه .. لو مصر فاقت م اللى فيه ...موزاين كثير هتتغير ..ومراكز القوة والسلطه والسياده هتضيع من ايدينا ...وكل شبر اخدناه هيرجع غصب عننا مش بمزاجنا ..لو الشعوب العربيه فاقت

وتوحدت هتكون نهايتنا احنا ..ومصر هى النسر اللى كل الشعوب العربيه بنتوحد تحت ظله ..عشان كده احنا بنعمل المستحيل عشان نخلى النسر ده دايم فى غيبوبه فهمت ياحمزه .

حمزه : فهمت ..عندك حق شعب خلق من فولاذ ..

فيكتور : طب يلا استعد عشان هتنزل مصر ..هتكون انت المؤل عن تامين شحنات السلاح والمخدرات دى .. انت عارف دى اكبر كميه سلاح هتدخل مصر ومحتاجه تامين وتخطيط على .. الاسلحه دى كافيها لاشعال حرب عالميه تالته .. عاوزك اما تخلص تروح انت وابوك مزرعه الفيوم تداروا هناك لحد مال الدنيا تهدا وبعدين هنسافركوا لينا ..ولو حصل اى شىء احنا فضهركوا ..متقلقش .

فى احدى البيوت المهجورة بالمقطم ..

حسام : ابوة ياسارة انا وصلت اهو انتى فين ؟؟

سارة : انا جايلك اهو شفتك

حسام : اى المكان المهجور ده ياسارة اشمعنا طلبتى نتقابل هنا ؟؟

سارة : عشان هنا المكان متطرف وبعيد عن العيون فامان ..يعنى متقلقش

حسام : طب فين الورق ؟؟ وومواعيد تسليم صفقات السلاح امتى واماكنها اى ؟؟

قيل ماترد عليا ..حد خبطنى جامد على راسى ..ومحسيتش باى حاجه تانى ..مش عارف
فضلت فغيوبه قد ايه ..بس اما فوقت لقيت سارة قدامى ..ومعاها اكثر من خمس حراس شبه
المصارعين ..وانا مربوط فالكرسى ..مش قادر اعمل حاجه .. سارة : طبعا انت مستغرب ليه
انت مربوط كده ؟؟ وليه جايبيك هنا ..بس دلوقت يجى وبتعرف كل حاجه ..

حسام : قصدك رحيم طبعا بعينى بكام ياسارة ..عمرى مكنت اتخيل ان الخيانة تيجى منك ..

ياريتنى سمعت كلامه ..وبعدت عنك .. سارة : لا مش رحيم دلوقت تعرف متستعجلش ..واكيد
قصدك ع دياب اكيد كنت بتحكيه كل حاجه وهو حذرک .. عموما متقلقش ..

حسام : محدش يقرب من دياب ..اللى هيفكر بس ياذيه انا همحيه ياسارة ..

صوت من العدم : متقلقش يا حسام على دياب .. انت وقفت فطريقي من غيرى ماتدرى ...
عشان كده جيت هنا .. حسام : الصوت ده انا عارفه .. ده صوت الطابط يوسف عبد الرحمن

..

الطابط يوسف : صح ذاكرتك قويه ابيه ماشاء الله ..لسه فاكر الصوت

حسام : طبعا هو ده صوت يتنسى .. وفاكر كل كلامك عن حمزاوى وصفقاته ..

الطابط يوسف : حكلك عشان كنت متأكد انك هدور ورا كلامى وهتساعدنى ..اوصل لرقبه
حمزاوى ..كنت حاسس ان فيه حاجه تربطكوا كلكوا ببعض تار دم مش عارف

حسام : مين اللى جه خطفك لما كنت معنا ؟؟ مش ياسين الزهار ؟؟

الطابط : يوسف لا مش ياسين .. رجاله حسين المهدي هما اللى خطفونى .. ولان حسين
مالوش فالدم امر رجالته انهم ميتعرضوش لحد فيكم ولا يقتله ..مهما حصل ..مهمتهم انهم
يخطفونى وبس ..

حسام : مين حسين المهدي ده ؟؟؟

الطابط يوسف : ده ابو سارة ..كان راجل اعمال كبير وخسر كل فلوسه على ايد حمزاوى ..
وكان عاوز ينتقم منه باى شكل بس للاسف ..مات قبل مايلحق يعمل اى شىء .. سابلى ارقام
حساباته فالخارج وسابلى سارة ووصانى عليها وطلب منى اربيهها واجيب بتاره ..مكنتش قدامى
فرصه للاختيار المهدي نقذنى م الموت ..زى ماخوك دياب عمل ..وكده كده كنت عاوز اخذ
بتارى واقتل رحيم فوافقت ..علمت سارة كل حاجه وغيرتلها بطاقتها الشخصيه ..وكانها
تولدت من جديد ..ودخلت فوسط شق التعبان وايديها بقيت فوق راسه ..بقيت سكرتيرة حمزاوى

ومعاه كل المعلومات اللي ندينه بيها ..بس ظهورك يا حسام بوظ كل ده ..قولت لسارة عشان توصلى لتارك لازم تقتلى قلبك ..وعملت كده مع كل اللي قربلها الا انتا .. ورحيم لوعرف باللى بينكوا هيمحيكوا وھيعرف اصلك يا حسام بسهولة لو حطك فماغه .. ظهورك كان هيقضى علينا ده لو مقضاش فعلا ..

رحيم طلب من سارة تقتلك وعرف انك عاوز الملفات ..وفيه ناس هتيجى كمان شويا عشان تعاین جنتك ..وتصورك سارة لازم تقتلك عشان تثبت ولأنها لرحيم

حسام : هتقتليني ياسارة ؟؟

سارة : غصب عنى يا حسام ..مقدرش اسيب تار ابويا ..

من داخل غرفه ياسين الزهار بالمستشفى

مى : حسام مين ده يادياب اللي والدى عاوزك تلحقه ؟؟ فهمنى متسببنيش زى كل مرة وتختفى ؟؟

دياب : حسام ده بيقى اخوكى يامى ..وانا وهو تربينا سوا ..قبل ماكمل كلامى تليفونى رن برقم

فادى : ابوة يادياب انا راقبته كويس هو دلوقت فالمقطم كان معاه بنت ..بس فجاة حسام وقع على الارض وخدوه فبييت مهجور هنا انا مستيكي وبعث لرجاله تجيلنا على البيت ..

دياب : طب خليك عندك متحركش انا فالطريق مش هتاخر .. انا لازم امشى يا مى خليكى مع باباكي هيحكيك كل حاجه .. وفعلا روحت لقيت فادى فانتظارى ومعاه رجاله تبعه ... قبل مندخل سمعنا صوت ضرب نار ..الشيء اللي خلانى اجرى ناحيه البيت ..ملقتش حد غير حسام مرمى على الارض ..وجمبه مسدس وفوارغ رصاص مغطيه المكان ..

وفيه كمان جثه قدامه : دى جثه سارة ..حاولت افوق حسام واشوف فيه اى ..مفيش نبض بس برضو مفيش اثار رصاصه فجمسه غير فالكتف ..الرجاله قلبوا البيت ده وحواليه لقوا الجثث ...موجوده فكل حته ..وفيه اثار لعرييات دفع رباعى ..

فادى لمح واحده منهم ..فادى : البقاء لله يادياب ربنا يقويك ويصبرك .. دياب : البقاء لله فى مين حسام ماماتش ..حسام مينفعش يمشى مهما حصل ..وخذت حسام فحضنى وبكيت ودى كانت تالت واخر مرة ابكى كده .. فادى : لازم نمشى دلوقت من هنا البوليس اكيد فالطريق لهننا يلا يادياب .. دياب : مش همشى واسيب حسام مهما حصل ..

فادى : طب هاته معانا ويلا قبل مايتقبض علينا ..ركبنا فالعرييه ..وحسام جمبى ..وحاسس بان جوايا نار ..عملها حمزاوى ..والله لاحرق قلبه على ابنه وهمحيهم خالص ..واقترت زكرياتنا انا وحسام سوا ..ومغامرتنا ..

فاللحظه دى : ايد حسام تحركت انا متأكد من كده ..وابتدا يفتح ..وقالى : خدنا على البيت وخيط الجرح انا عايش متقلش ...كل اللي فالعرييه اترعبوا الا انا ..كله كان مندهش ومستغرب ..الا انا كنت متأكد ان حسام مستحيل يمشى ويسبنى ..روحت وخيطله الجرح ..وابتدى يفوق وحواله

على اللى حصل ... وقال ان سارة استنيت اول مالظابط يوسف بعد .. وادنتى برشام قبل
متضرب الرصاصه انا فاكر اسم البرشام كويسه اسمه Lanoxin Tablets ...

دياب : اه صح فعلا البرشام ده بيستعمل لعلاج حالات فشل القلب وبيبطىء النبض كانه مش
موجود .. عشان كده لقيتك مبتحركش وافتكرت انك سبتنى خلاص .. حسام : مقدرش اسبيك
يادياب .. هى سارة كانت فالمكان اما دخلتلى كل اللى فاكره ان فيه رجاله دخلوا البيت وضربوا
نار عشوائى .. دياب : لا ماكنتش موجوده مشوفتهاش .. وسبته وخرجت لفادى اشكره وطلبت
منه ميقلش لحسام اى حاجه عن سارة

حمزه : خلصتوا عليهم؟؟ قتلتموا كل اللى كانوا موجودين فالبيت وتاكدتوا من موت حسام وسارة
؟؟

طب تمام اوى كده ... انزل وانا مطمئن وجاهز للعمليه .. غيروا المكان احنا هنتقابل فالواحات
هناك اضمن وبعيد عن عين الحكومه .. تمام سلام .

اديك عرفت كل حاجه بنفسك اهو يياسين بيه .. وبعث حمزه وابوه عاوز فلوسى اللى وعدنتى
بيها عاوز ٥ مليون دولار .. ياسين : هدهملك طبعاً بس بعد مالعمليه تنتهى واخلص ع حمزه
ورحيم ... انت هتفضل هنا معنا فالامان .. الحارس : لا انا عاوز فلوسى دلوقت ... مش كفايا
حافظت على روح حسام ده .. وبعث حمزه ولو عرف هيدفنى حى .. ياسين : تصدق فعلا فكرة
.. خدوه واقتلوه اللى يبيع واحد يبيع الف ..

حسام : هو عمك ياسين لسه فالمستشفى؟؟

دياب : انا كنت سايبه هناك بس فايق وهو اللى قالى انقذ حسام وانك فخطر ..

حسام : يعنى هو اللى قالك على مكانى

دياب : بصراحه لا .. انا قلقت عليك فبعث فادى وراك عشان لو جرى حاجه اعرف .

حسام : طب وبعدين هنعرف اخباره ازاي؟؟ انا نفسى اشوفه اوى هو ومى اختى

دياب : مى صح انا خدت رقمها ثوانى اكلها واعرف منها كل حاجه

دياب : مى معايا ؟؟ اذيك يامى ؟؟ اهدى متقلقيش كله تمام ؟؟ عمى عامل اى ؟؟ طب حلو اوى
انتوا فين دلوقت ؟؟ خلاص تمام اوى ..هنجلكوا انا وحسام ..

حسام : فيه ايه ؟؟ مى قالت لك اى بالظبط ؟؟

دياب : ابوك خرج من المستشفى وحالته تحسنت ودلوقت موجودين فاسكندرية ..

حسام : طب يلا بينا نروحهم

دياب : دلوقت ؟؟ بس انت لسه تعبان ؟

حسام : لا انا بقيت كويس يلا بينا ..انت عارف المكان ؟

دياب :فى فيلا بالمكس خرجنا فعلا وروحنا لعمى ..الى هو فنفس الوقت ابو حسام .. اول
ماشافنا حضنا اووووووى ..ووض حسام وتاسفلنا على اللى حصل ..وقال ان كل شىء كان
غصب عنه ..وانه كان فاكرا ببعده عنا هيحمينا ..ومى جت اول ماشاقتنى ضربتتى وقالت : كل
مرة بتختفى كل مرة بتحصل مصيبه وتخضنى وتقلبنى عليك ياخى حرام عليك ..فالحظه دى
حسام نطق : احم احم نحن هناااااا هو مفيش غير سى دياب اللى تقلقوا عليه ولا اى

مى : انت مين ؟؟ انا اسفه مخدتش بالى منك ؟؟ انت حسام صح ..قبل ماينطق بكلمه كانت ناطه
فحضنه وبتقوله حلم حياتى يكونلى اخ كبير ويخرجنى ويفسحنى ..ويجنن معايا ...نفسى بفضل
متجمعين كده دايمًا

تليفون عمى رن وملامه تغيرت كلنا خدنا بالنا ..ياسين الزهار : انا لازم استاذن دلوقت خلوا
بالك من اختك يااحسام وانت يادياب خلى بالك من الكل ..دياب : انت رايح فين ؟؟؟

ياسين : فيه حاجه لازم اعملها عشان لمتنا تكمل اخر خطوه وهنرتاح ..وسبنا ومشى ومعا
اكثر من ٢٠ عربيه حراسه كانه رايح حرب .. كلنا كنا متاكدين انه رايح لولاد حمزاوى ..

حاولنا نخرج الامن منعنا ..بس مى عرفت تخرجنا من مكان سرى .. وقدرنا نلحق عربيات
عمى ياسين ..العربيات نزلت فطريق الواحات ..فجاة العربيات وقفت كلها واللى فيها نزلوا
بسلاحهم ... ولقيت رحيم ورجالته ومعا حد فاكرا انه شوفته قبل كده ..ده حمزه اكيد ..

مشهد كانه حرب عصابات ..كلنا قولنا هتقوم مجزرة ..بس اللى حصل غير كده .. ياسين سلم
على حمزاوى عادى جداااا وابتدوا يحملوا السلاح فالعربيات .. مى : معقول بابا شغال معاها ؟؟
اكيد فيه حاجه غلط .حسام : دياب انت عيونك بتحمر كده ليه وملامحك اتغيرت ..اهدى كده
لحد مانفهم فيه ايه ؟؟

فالحظه دى ظهر الطابط يوسف عبد الرحمن : ومعاها قوات من الامن المركزى وقوات خاصه
وابتدى الضرب ..اول ماابتدى الضرب انا ومى وحسام كنا مركزين على ياسين ..ياسين وبس
.. شوفناه : طلع خنجر من جيبيه ودبح بيه رحيم ..دبجه كانه فرخه ..حمزه شاف ابوه بيندبح
قدامه انهيار ومسك مسدسه وابتدى يضرب ناحيه عمى ...لقيتتى بدون وعى وفاقل من ثانيه
لقيتتى واقف قدام عمى باخذ عنه الرصاص

ووخذت الخنجر من عمى .. وهجمت على حمزه قتلته .. كل اتلى كان موجود كان خايف مش من صوت الرصاص ولا الدم كانوا خايفين منى انا من دياب الزهار ..الظابط :وقفوا ضرب النار محدش يضرب ..بس للاسف كان عمى ياسين اتصاب : ملامحى ابتدت تهذا والاحمرار اختفى ..وروحته ..ياسين : انا ورحيم وحمزواوى كنا شركاء فسلح ...

وطمعت فيه فحاول يقتلنى تانى .. وانا السبب فموت ابوك انا اللى بعته ليهم عشان الفلوس جدك كتب كل شىء باسم ابوك ..غصب عنى الانتقام اتحكم فىا ..ولما عرفت انه حاول يموت حسام : رجعتله تانى وخطيت ايدى فايده وشاركته فالصفقه دى ..وبلغت الظابط يوسف بالتفاصيل ..سامحنى يادياب ..وخلى بالك من ولاد عمك حسام ومى يابن الزهار .. انت الوحيد اللى هتقدر تصنع فرق

وتغير حاجات كثير ..ابقى دور فالمكان اللى ابتدى فيه كل شىء .. الى اصل الحكاية وهتلاقى فيه جواب يفهمك كل حاجه عن عيلتنا وتارك لسه منتهاش يادياب ..ومات انا الوحيد اللى سمعت اللى قاله .. مى وحسام كانوا لسه بعيد

صمت تام خيم على المكان ..كل شىء اصبح ثابت فى مكانه وكان احدهم قام بايقاف الوقت شىء غريب يحدث ولكن لا اجد له تفسير ..لقد اصبتى احدى تلك الرصاصات الطائشه ولكنى لم اشعر بها سوى الان ..هل ساموت حقا؟؟ هل هذا كل شىء ..لا اعلم ولكنى وقعت مغشيا على ولا اعلم ماحدث بعد ذلك ..

الظابط يوسف : قولتلكوا وقفوا ضرب النار .. سيبوا الاتنين دول يدخلوا

مى : بابا ارجوك متسبينش ..مينفعش تسبنى ارجوك متموتش .. انا مليش غيرككوا

حسام : بضحكات ممتزجه بوجع والم رهيب ..فاليوم الذى اجد ابى ..يموت هو واخى

ما اسوا هذا الحظ .. وما اقسى الحياة .. لقد سلبتنى كل شىء ..ثم انفجر فالبكاء

مشهد تنخلع له الافنده ..الجثث متناثرة فى كل مكان ..فوارغ الرصاص قد غطت الرمال

صناديق اسلحه ..تستطيع ان تجلب الحرب العالميه الثالثه الى العالم ..

الظابط يوسف : خطوا دياب وياسين معايا فالعربيه هوديهم المستشفى بنفسى ..

انا افكرتك موت يا حسام قولت سارة قتلتك ..بس واضح ان حبها ليك كان اغلى من حياتها ..

سارة نقدتك وماتت ..ضحكت بحياتها عشانك يا حسام ..انت خسرت ابوك واخوك وانا خسرت بنتى وعيلتى ..

لم تزيد حسام تلك الجمل سوى بالشعور بالمرارة ..والحسرة لقد فقد الجميع فيوم واحد ..

لم يعد يستطيع ان يخبىء دموعه اكثر من ذلك .. لقد رحلوا وتركونى ..وعدى دياب بالبقاء

اخبرته واخبرنى باننا اخوة فالحياة والموت كيف استطاع ان يتركنى يامى كيف؟؟
وايضا ابى ياسين الذى تركنى كل تلك الاعوام بعيدا عن ظله .. وحينما وجدته اخيرا رحل
كيف بحق السماء يفعلون ذلك ..

لم تترك الصحف المحليه او الدوليه هذه الحادثه الا وتحدثت عنها ..
القاء القبض على اخطر تشكيل اجرامى للتجارة فالاسلحه بالشرق الاوسط
تورط عملاق الاقتصاد المصرى رحيم حمزاوى وابنه فى صفقه الاسلحه
نجح رجال الداخليه على القضاء على راس الافعى رحيم حمزاوى وابنه حمزه
استشهاد رجل الاعمال الكبير ياسين الزهار .. وهو يحاول مساعده رجال الشرطه
فالقضاء على رحيم حمزاوى وجماعته ..

عوده كافه ممتلكات اولاد الزهار لآخر من تبقى من عائله الزهار مى ياسين الزهار ..
تولى الرائد يوسف عبد الرحمن وزارة الداخليه ..

فيكتور : شوفت يادنيال اللى حصل فى مصر صفقه السلاح اتصدرت ..وقبضوا على رجالتنا
ورحيم وحمزه ماتوا ...وكل اللى عملناه راح على الفاضى ..

دانيال : اه عرفت ومتقلتش هنلاقى حل مفيش حاجه ..اسمها على الفاضى يافيكتور ..

فيكتور : مش على فاضى ازاي؟؟ انت عارف صرفنا كم مليون دولار عشان الاسلحه دى
تدخل لمصر ..عارف عملنا ايه ..عشان نقدر نجند ناس من هناك ..رحيم لوحده واخذ اكثر من
١٠٠ مليون دولار يادنيال ..

دانيال :اه عارف بس صدقتى ..كل ده مراشش على الفاضى ..احنا اثبتناهم اننا نقدر ندخل اى
حاجه فاي وقت وان نفوذنا وعلاقتنا قوية .. غلطتنا الوحيده ان احنا اعتمدنا اعتماد كامل على
رحيم وابنه ... بس هنتحل وهنجند غيرهم متقلتش ..

فيكتور : ياسلام بسهولة كده؟؟

دانيال : اه بسهولة كده ..فيه ناس كثير الوطن بنسبالها يعنى فلوس ..مش انتماء ..ولا الشعارات
التافهه دى ..

واحنا بنشتغل على الناس دى ودول سهلين نضمهم ونجندهم فاي وقت ..عارف مشكله
المصريين ايه؟؟

فيكتور : اكيد عارف الفقر والجهل والفساد ..وانهم بيدورا دايمنا على لقمه العيش اهم حاجه

وان التعليم فتدهور مستمر .. والاحباط والياس تملك من ناس كثير هناك .. غير الكثافه السكانيه
وقلت الموارد ..

وتجارة المخدرات والاسلحه والسوق السوداء ... ومشاكل صحيه .. والتلوث اللى موجود فى كل
مكان ..

دانيال : دى المشاكل اللى بتجيلنا فالتقارير من هناك يافىكتور .. ومش دى اللى بسالك عليها ..
فيكتور : امال قصدك مشاكل ايه ؟؟

دانيال : كل المشاكل اللى قولتها فعلا موجوده .. بس المصريين شبه الاسود .. لو فاقوا
احنا مش هيبقى لينا وجود .. انا اتعاملت مع جنسيات مختلفه .. وعشت فى مصر ٣ شهور بس
شوفت حاجات عمرى ماشوفتها فاي شعب ولا اى جنسيه .. المصريين مقاتلين بطبعهم .. بيقاتلوا
على الرغيف .. بيقاتلوا على الرزق .. بيقاتلوا على النجاح .. مهما تمكن الياس منهم .. عمره
مايغلبهم .. مهما وقعوا بيقدروا يقوموا .. وبيقوموا اقوى مليون مرة ... مشكله المصريين
اللى لو قدروا يعالجوها .. ويحلوها هيبقوا اقوى شعوب الارض ..
فيكتور : ايوة ايه هي ؟؟؟

دانيال : الاتحاد .. المصريين مبيعرفوش يتحدوا ويتعاونوا مع بعض .. صدقتى دى الحاجه
الوحيدى الى حد ما قدرنا ننجح فيها من سنه ٤٨ اننا فرقناهم .. وكل واحد بقى مهتم بنفسه
وباسرته وبس .. كل واحد عايش لنفسه .. ولعيلته .. مفيش وقت يفكر فى غيره .. او بلده
فيكتور : مع ذلك كل سنه بيطلع من هناك علماء ومبدعين فى كل المجالات .. وبيبهورا العالم
كله

دانيال : منا قولتلك دول اسود .. المهم انت سمعت عن حسام اللى ماسك شركات الزهار .. هو
واخته مى ؟؟

فيكتور : اه اكيد طبعا شركات الزهار فسنة واحده بعد حادثه صفقه السلاح .. قدرت تسيطر على
السوق المصرى والعربى والدولى كمان .. فى خلال سنه بنوا اكثر من ٢٠٠ مصنع فى كل
المجالات .. عملوا مصانع للحديد والصلب .. مصانع للاغذيه .. مصانع ملابس .. مفيش اى مجال
غير مداخلوا فيه .. وعملوا شركات لتسويق منتجاتهم فالعالم .. اكثر من ٨٠٠٠٠٠٠ الف عامل
شغالين فى مصانع وشركات الزهار .. غير الاراضى اللى بيتم استصلاحها .. والوحدات
السكنيه اللى بيعملوها .. والمرتببات العاليه ..

دانيال : وازاى قدر يعمل كل ده ؟؟ وانتوا سايبينه كده ؟؟

فيكتور : مين قالك اننا سايبينه ؟؟ احنا متابعيه اول باول .. حاولنا نلبسه اكثر من ١٠٠ قضيه
معرفناش .. فيه حد دايمنا بينقده .. وحاولنا نغتاله برضه معرفناش .. كانه شبح .. صدقتى انت تقدر
تشوف الشبح وتقتله اسهل بكثير من انك تشوف حسام ده وتقتله ..

دانيال : حد مين اللى بينقذه ؟؟ وحاولته تلبسوه قضيه ازاي ؟؟

فيكتور : حاولنا بكل الطرق نعرف مين .. لكن بدون جدوى .. صدقنى لولا انى مش بؤمن غير بالفلوس كنت قولتلك .. فيه عفاريت وجن بتحويه ..

احنا حطينا ليه مخدرات وسلاح فى مصانعه .. ونبلغ عنه وكل مالبوليس يوصل .. ميلافيش حاجه .. جندنا ١٥ واحد فشركاتاه .. ودفعنا لكل واحد ١٠ مليون دولار عشان يجبلنا معلومات عنه وعن صفقاته ويساعدنا نخلص منه ...

دانيال : جميل جداااا وساعدوكوا ؟؟

فيكتور : لا كلهم ماتوا ..

دانيال : ماتوا ؟؟ ماتوا ازاي ؟؟

فيكتور : محدش عارف ازاي .. كل اللى قدرت اوصله .. ان الطب الشرعى فشل فى تحديد سبب موتهم .. كلهم ماتوا فى اماكن مختلفه .. دمهم كان ازرق .. واما الطب الشرعى حلل الدم ملاقاش فيه اثار لمخدرات او اى عقار .. كمان اما ماتوا اجسامهم كانت متخشبه .. والفزع والرعب مرسوم على ملامحهم ..

دانيال : دم ازرق ؟؟ انت واثق فى مصادرک اللى بتجلبك المعلومات دى ؟؟

فيكتور : اه جداا .. قولى بقى هنعلم اى مع حسام ؟؟

دانيال : هنجنده

فى احدى الشركات الكبرى لعائله الزهار ... بالسادس من اكتوبر

حيث توجد سلسله شركات ومصانع الزهار .. ويوجد اجتماع بمجلس الادارة وعلى راسهم المدير حسام الزهار ..

حسام : انا طلبت اشوفكوا انهارده .. عشان اعرف احنا حققنا ايه الشهر ده .. وفيه مشاكل وللا لا ولو فيه ايه هى .. واخبار البورصة والاسعار العالميه ايه .. ومرتببات العمال كويسه ولا فيه مشاكل ..

اسعد مدير قطاع شؤون العاملين بشركات الزهار .

احنا ياستاذ حسام ... مرتباتنا اعلى مرتبات فى مصر والشرق الاوسط .. لدرجه ان فيه مهاجرين بيجوا مخصوص مصر عشان يشتغلوا فشركاتنا .. كمان حضرتك عامل مستشفيات خاصه على اعلى مستوى للموظفين وللعمال واسرهم .. غير الحوافز الاسبوعيه والشهريه والسنويه ..

امين : طب هنعمل اى يا حسام بيه فى موضوع جبل السراج ده

حسام : بينى قولت متقولش بيه دى تانى ..

امين : اسف والله بنسى ..

حسام : متقلقش انا هكلم حد من الوزاره وهخلص الاجراءت بنفسى معاه

امين : ممكن اعرف حضرتك مهتم اوى كده ليه بجبل السراج ده دوننا عن كل المناطق

اللى حواليه؟؟

حسام : لانه قريب من البلد اللى تولدت فيها كفر الكوهار .. انا مش هبنى قرى سياحيه هناك

ولا حاجه .. انا هعمل انشاءات وحدات سكانيه ومستشفيات ومدارس للناس اللى هناك .. لاهلى

وده يعتبر اقل شىء اقدر اقدمه ليهم .. ولا ايه ؟

امين : صح عندك حق ربنا يبارك فى حضرتك ويحفظك ..

علا : فيه موضوع مهم .. عاوزه اكلمك فيها افندم ..

حسام : اتكلمى يا علا .. كل اللى موجودين هنا مصدر ثقه .. فيه ايه؟؟

علا : فيه شركه بعنت لينا فاكس انهارده اسمها نوفو فارما بتعرض علينا انها

تشاركنا وتساعدنا فانشاء مصانع ادويه حديثه فى مصر .. هتمولنا بالكامل وهتمدنا بالخبراء

والمختصين .. مقابل ٣٠ فالميه من الارباح ..

هيكل : عرض مغرى اوووى .. خصوصا اننا مدخلناش بقوتنا فى مجال صناعه الادوية

والعقاقير وهتبقى صفقه القرن ..

حسام : العرض مش مغرى اكثر ماهو غريب .. اشمعنا احنا بالتحديد؟؟

كمان ٤٠ فالميه مش مكسب كبير .. بدام هيمولوا وهيجيبوا الخبرا والمختصين .. احنا اى

دورنا

علا : هما عاوزين مننا حاجتين بس

حسام : اى هما بقى؟؟؟

علا : طالبين مننا اننا نكون واجهتهم .. بمعنى هيشاركونا من الباطن .. ونشتري ليهم الاراضى

المناسبه .. للمصانع .. والمصانع هتكون باسم الزهار بس الاشراف والادارة هتكون ليهم ..

وهيعملوا شركات عشان توزع وتصدر الادوية دى داخل المحافظات والدول ..

حسام : كده فعلا انا بدأت اقلق .. مفيش شركة تطلب انها تساهم من الباطل .. غير ماتكون مشبووه او عليها مشاكل ..

علا : ده اللي جه فى بالى فعلا .. وبحثت عن الشركه و لقيتها من اكبر و اقوى شركات الادوية فالعالم كله .. وسمعتها كويسه جدااا فى مجال صناعه الادوية .. بس اللي لاحظته فالشركه دى

ان اغلب مصانعها موجوده فالدول العربية ..

تونس .. الجزائر .. ليبيا .. السودان .. الصومال .. المغرب .. قطر .. لبنان .. السعودية .. حتى العراق .. اغلب الصناعات و المصانع موجوده بالدول دى

هيكل : ماجايز بيحاولوا يساعدوا العرب مثلا .. ويعملوا ده من باب الدعاية حتى ..

علا : بكم الصناعات دى معتقدش انهم محتاجين دعايا ..

حسام : طب ردى عليهم واطلبى منهم بيعتولنا مندوب من الشركه نكلمه .. ونستفسر اكثر

وانت يا امين عاوزك تعمل لينا اعلان عاوز دكتور صيدلى او دكتور صيدلانيه .. يكون

كان مسافر برة واشتغل فى مجال صناعه الادوية وتعامل مع الشركات دى ... وتكون خبرته عاليه .. ويكون موجود هنا فى مصر ..

امين : حضرتك محتاجهم ليه ؟

حسام : اكيد محتاجهم عشان .. الصفقه دى .. وعشان هو هيكون ادرى بالتفاصيل .. وهيكون فاهم اكثر مننا .. وعشان لو اتفقنا يكون هو عينا معاهم .. ولو متفقناش نعمل احنا المصانع دى ويساعدنا بخبرته ..

بينما الجميع منهمك ومستغرق فالتفكير .. فى تلك الصفقه .. التى قد تجعل من الجميع اثرياء .. وستجعل اسم شركات ابن الزهار يسطع .. ويشرق بكل قوته .. بين اسامى الشركات العالميه

رن هاتف حسام .. فامر الجميع بالانصراف الى عمله وانهى الاجتماع .. انه رقم احد الاشخاص التى يحفظها عن ظهر قلب .. رقم وزير الداخليه .. يوسف عبد الرحمن

حسام : ياه عاش من سمع صوتك .. ياسياده الوزير انا قولت نسيتنا ..

يوسف : مقدرش انساك يا حسام .. وانت عارف ان اللي فات صعب يتنسى

حسام : عندك حق فعلا اللي فات صعب يتنسى .. بس اى فكرك بيا

انا اخر مرة شوفتك وسمعت صوتك كان فدفته ابويا واخويا دياب .. كنت حاسس

انك عاوز تقول حاجه .. وان فعيونك كثير .. بس للاسف الكسرة اللي كنت فيها كنت

اكبر بكثير .. ومخلتنيش اركز فى اى حاجه .. كله كان مر ..

يوسف : انا فعلا كنت عاوز احكيك .. صحيح قبلها بايام .. كنت هقتلك بايدى يا حسام

بس انت كنت عارف السبب .. وانى كنت مجبر ..حياتك يا حياة سارة بنتى الشىء الوحيد اللى
فضلى وكمل معايا .. بس اما شفتك مكسور صعبت عليا فعلا وحسيت بوجعك ..

الفقدان وحش اوى يا حسام ..الموت بياخذ منا اللى بنحبهم دائما ..

حسام : لا الموت بياخذ الطيبين ..اللى بيخلوا الدنيا احلى وافضل .. اللى قلبهم عمره ماكان
اسود ..الموت قاسى .. الوحيد اللى رجعله منى ..دياب وبعد مابقى روحى وتؤامى ..وسندى
وجيشى ..اخذه منى تانى فسرعه البرق ..

يوسف : متزعلش يا حسام جايز اللى راح فى يوم يرجع ..وينسيك اللى فات

حسام : اللى بيروح عمره عمره مايرجع ..حاله دياب كانت معجزه وبطلت اوامن
بالمعجزات ..من وقت اما مات يامعالى الوزير ..

صحيح هو انت متصل بيا عشان كده؟؟

يوسف : عشان كده؟؟ كده ايه؟؟

حسام : عشان قلب فى اللى فات وتواسينى يعنى ..وتفكرنى بالذى مضى

يوسف : هههههههه افكرك؟؟ ده على اساس انك نسيت

عموما انا متصل عشان اباركلك واحذرك

حسام : تبارك على ايه وتحذرنى من ايه؟؟

يوسف : اباركلك على النجاح اللى حققته ..ده وشركاتك ومصانعك ..ومشاريعك ..المنتشرة
فى كل مكان دى ..

حسام : الله يبارك فيك ..وانت كمان مبروك على الوزارة ... ده بالنسبه للمباركه

هتحدرنى من ايه بقى؟؟

يوسف : هحدرك من طموحك يا حسام ..

انت طموحك ملوش سقف ولا حدود .. انت ماشى زى القطر .. صحيح انت عملت

مشاريع ملهاش نهايه ..وساهمت فانتعاش الاقتصاد ..ووظفت ناس كثير ..بس اللى فوق عاجبهم
اللى بتعملوا ..ولا اللى برا .. ولا رجال الاعمال والمستثمرين ..انت داخل حرب مع الكل
ومين اللى معاك او مين اللى هيسندك يا حسام ..

حسام : انا عارف كل كلامك وياما جاتلى تهديدات وحاولوا يغتالونى ..ويدخلونى السجن ..بس
انا ماوقفتش ومش هقف ولا هخاف .. انت قضيت على حمزواى واحد ..قولى هنا فيه كام

حمزواى يامعالى الوزير .. وبالنسبه لمين معايا ف معايا ربنا والناس الغلابه .. وصدقنى انا
مش خايف من الموت .. ولا من المواجهه ..

يوسف : ما حدش هيقدر ينقك من ايديهم وسكاكينهم .. لو اتسنت عليك .. هتضيع يا حسام

انا حميتك بدل المرة ميه .. بس صدقنى المرة الجايه مش هقدر احملك .. من ايديهم

حسام : انا مش هتراجع ولا هغير موقفى .. مهما حصل ..

يوسف : براحتك يا حسام اللهم بلغت فاشهد .. وافتكرك دايم انك مش هتغير الكون فيوم وليلة

ولا هيجاروبوك بطرق مشروعه .. وهيعملوا المستحيل عشان يوقعوك باى طريقه وخلقى بالك

من نفسك .. وخلقى بالك من مى لانها اول نقطه ضعف ليك هيداوروا عليها ويجاروبوك بيها ..

سلام .

حسام : انا معرفش حاجه عن مى من وقت ماخفتت حاضر مع السلامه .

ماذا افعل؟؟ لا استطيع ان افقد مى مهما حدث فهى اخر من تبقى .. وايضا لا استطيع التراجع
والتخلى عن احلامى انا ودياب .. ف هؤلاء الناس منى .. وانا منهم .. ومسؤليتهم تقع على عاتقى

..

يارب انت تعلم انى فى حاجه الى معجزه .. لقد صرت وحيدا بعد ان رحلت يادياب .. و قد

تكاثرت الهموم حول عنقى وتكاد ان تقتلنى .. فهل تعود من اجلى .. كما عدت من قبل .. فاننا

فى حاجه ماسه الى وجودك بجوارى يا اخى .. ارجوك ان كنت ستعود .. ف هذا الوقت المناسب

لعودتك يا ابن الزهار ..

يوسف : مفيش فايده مصمم يعمل اللى فى دماغه .. هيجارب الكل .. كل الاطراف ضده

واحنا نقذنا بدل المرة الف هنتفذه لامتى؟؟

مجهول : للابد ..

يوسف : وحتى تحترق النجوم ..

مجهول : ماشاء الله بتقرا لدكتور احمد خالد توفيق ..

يوسف : اه قرأت ليه يوتوبيا .. غالبا بتوصف حالنا دلوقت

مجهول : انا هحمى حسام .. بكل قوته وهنتفذه تانى وتالت والى كمان ..

انا و عدته انى هفضل جمبه مهما حصل .. وانا بحافظ على وعودى وانت عارف ..

ولولاك كنت ظهرته من وقتها وبقيت معاه ..

يوسف : انت عارف انى مجبر وعملت ده لمصلحه الكل ..

مجهول : عارف ..بس انا مش هفضل مختفى كده ..ولازم هظهر قريب ..ليه واسنده ..واعرف مى فين ..

حسام ومى وحشونى اووى يا يوسف ...ونفسى اضمهم

يوسف : وحشوك؟؟؟ دانتا مراقب حسام كانك ضله ازاي وحشك بقى

مجهول : الغياب موجه ..الى مات بتبقى عارف انه مات ومفيش فرص للقاء تانى ..اما العايش فبتشوفه وبتبقى نفسك تترمى فحضنه وتحكيه ولكنك عاجز ..وصدقتى مرارة العجز وافتقاد حد عايش بتشوفه كل يوم .. اصعب واقوى من افتقاد حد مات ..

فى مكتب الموساد الاسرائيلى حيث يتواجد ..مجموعه من العملاء والخبراء وعلى راسهم ..دانيال وفكتور ..

دار الحوار كالاتى ..

دانيال : طبعا كلكوا سمعتوا .. عن حسام الزهار ..الشخصيه اللى قدرت تسيطر على الاسواق العربيه فى فترة وجيزة ..وقدر يجذب جماهير ومعجبين كثير حواليه ..وكمان عرفته ..ان الموساد حاول يتخلص منه بطرق كثير بس دايمًا كانت بتفشل ..وفيه حد بينقذه من ايدينا باستمرار ...

عشان كده احنا قررنا بدل مانقله ..نجنده

فيكتور : انت بتهزر؟؟ عاوز تجند حسام؟؟ ده وجوده على قيد الحياة اصلا اكبر خطر علينا لازم نقتله ونخلص عليه ..

دانيال : لا مابهررش .. ولو قتلناه هنعمله بطل ..ومتعرفش مين ممكن يظهر مكانه ..او رد الشعوب العربيه ايه ..وعارف ان تجنيد حسام هيكون شبه مستحيل بس مفيش شخص الا وليه نقطه ضعف ..وانا لسه مخلص ملف حسام من شوية ..

حسام من مواليد اسرة بسيطة فكفر الكوهار بقنا .. كان ليه ابن خال اسمه دياب وده مفيش اى معلومات عنه تانى كانه شبح ملوش وجود ..و اتقتل فى الحادثه اللى حصلت مع حمزواى هو وياسين الزهار ..حسام بطريقه ما طلع ابن ياسين الزهار ..ياسين كان ليه بنت واحده .. البننت دى اسمها مى ..بعد ماوالدها اتقتل ..فى الحادثه ..انهارت وجالها اكتئاب ..وحصلها حاله عصبيه ..ودخلت مصحه فى المانيا ..وبعدها باربع شهور اختفت من المصحه .. حسام رفع قضيه ..على المصحه وقلب الدنيا بس برضو بدون جدوى مظهرتش ..اسمها مش موجود ولا على اى سجل فى مطار قسم مستشفى .. كانها مدخلتس المانيا اصلا ..وبعدها بشهر واحد حسام ياس ورجع مصر ..وابتدى مشاريعه وكان شىء لم يكن ..

احدى الطباط : طب مش ممكن يكون دى لعبه منه ومخبياها .. عشان مييقاش ليه نقطه
ضعف وحد يستغلها ضده ..

فيكتور : ده اللي جه فى بالنا وفكرنا فيه فعلا .. وراقبناه طوال السنه .. وراقبنا كل الاماكن اللي
ممكن يخبي فيها مى .. بس بدون جدوى .. ملقناش اى معلومه او اى شىء يفيدنا حسام عايش
لوحد .. فى فيلا باكتوبر .. وليه مزرعه فى الفيوم .. والاتنين اتاكدنا ان مفاهيمش حد غيره على
الرغم من وجود اكثر من ٢٠٠ حارس .. قوتهم البدنيه عاليه جداا .. والمكان مترقب
بالكاميرات .. غير المخبرين .. اللي موجودين حوالين المكان ..

غير التامينات الداخليه .. مش عارف هتصدقونى لو قولتلكوا انه .. البيت الابيض نفسه مش
متامن بالشكل الرهيب ده .. حسام لو حاطط اثار العالم كلها جوه الفيلا مش هيحط عليها حراسة
بالشكل ده ..

احدى الطباط : طب ايه المطلوب مننا .. نقدر نقدمه او نعمله ؟؟ نخطفه ؟؟

دانيال : اكيد لا .. انا اتصرفت خلاص .. بطريقتى انا بس عاوزكوا تعرفوا مين بيراقب حسام
مين بيحميه لو وصلنا للشخص ده يبقى ضربناه فى مقتل ..
فيكتور : تقدرنا نتفضلوا على شغلوكوا دلوقت ..

فى عمارة النصر بالمعادي .. حيث تسكن الدكتورة رحيق مع عائلتها .. دار الحوار بينهم
كالتالى ..

الام : هتفضلى كده لامتى يابنتى من ساعه مارجعتى من السفر وانتى مضايقه ومش راضيه
تحكى لنا حصل اى وليه سبتى الشغل ..

رحيق : ظروف يا امى .. انتوا وحشتونى اوى والغربه صعبه .. والشغل هناك بقى صعب
ومتعب جدااا .. ولو كملت كنت هخسر مبادئ ونفسى يا امى ف كان لازم ارجع واسبهم ..

الاب : انا اول مرة اشوف حد يسيب العز ويرجع للفقر هنا تانى .. عموما يابنتى اللي يريحك
اه وعلى فكرة ابن عمك طارق طالب ايدك .. انتى عارفه بيحبك ازاي .. ومرضيش يتجوز حتى
بعد ماسافرتى

رحيق : يووووه بابا طارق طارق مفيش غير سى طارق .. انا قولتلك مبفكرش فالجواز
.. ومستقبلى اهم .. وقولتله انى محبوبش وملوش دعوة بيا ..

الاب : يعنى هتفضلى كده يابنتى

رحيق : وانا مالى كده بابا ليه محسنى انى عنست وبقى عندى قرنين ..

كل شيء باوانه .. وكله نصيب .. وانا الشخص اللي هتجوزه لازم يكون زى مانا متخيلاه
وراسماه ... هيكون فارس احلامى انا .. بطل روايتى .. عمره مايهينى .. ونكمل ببعض لازم احبه
وقلبى يرتاحله ويختاره ..

الام : سيبها على راحتها ياسعد .. بينتك عندي .. واللى عاوزاه هتعمله

الاب : ماهى طالعه لك عندي وزى القمر

الام : ايوة ثبتنى ثبت هههههههههه

رحيق : هههههههههه طب هسبكوا انا عشان مبقاش عزول

الاب : هتروحي فين يا حبيبتي ..

رحيق : شوفت اعلان لشركة ابن الزهار طالين دكتور صيدلانيه .. وبمرتب مجزى .. وبنفس
مؤهلاتى .. وسمعت انها شركة محترمه جداا وبتخدم الكل ..

الاب : فعلا يابنتى .. حسام الزهار ده قدر يغير حاجات كثير فى اقل من سنه واحده .. فرص
عمل للشباب واعمال خيرية .. ومنتجات بنص السعر .. منشآت ومستشفيات ومدارس مجانا
... بصراحه فالاول كنت فاكر انه بيتاجر فى خسارة بس كل مايبساعد الغلابه ربنا بيكرمه اكثر
واكثر .. عارفه اغلب القهاوى اللي فالمنطقه قفلت بسببه .. القهاوى كانت بتبقى فاتحه من ٧
الصبح .. الشباب كان مرمى عليها .. دلوقت كلهم شغالين معاه فى مصانعه وشركاته ..

رحيق : الله يابا هو لسه فيه حد كده انت شوقتيني اروح والله .. وادنتى حماس اكمل

استاذنكوا بقى عشان الحق الانترفيو ..

فاليوم التالى باحدى مصانع الزهار ..

حسام : ابعتولى امين حالا ..

امين : حضرتك طلبتني

حسام : اه طلبتك عملت اى ف اللي قولتلك عليه نزلت الاعلانات

امين : اه يافندم وجالنا اكثر من ٢٠ متقدم لحد دلوقت .. ومن ضمنهم دكتور اسمها رحيق سعد

كانت شغاله بالقرب من مقر الشركه اللي بعنت الفاكس وتعاملت مع اكثر من ٢٠ شركه ادويه
.. واشتغلت فى مصانع كثير .. وحاجه فى منتهى الجمال بصراحه سندريلا ..

حسام : سندريلا ؟؟ طب اعمل فيك اى بس يا امين ..

المهم اللي ينجح فالانترفيو .. خليه يجى يقابلنى بكرة ان شاء الله

لان علا بلغتنى ان فيه فاكس وصل منهم .. والمندوب جاى بعد بكرة بالكثير ..

امين : حاضر يافندم ..

حسام : انا همشى دلوقت ..هسافر البلد وهكون هنا بكرة لو حصل اى حاجه بلغنى على طول

امين : ان شاء الله خير متقلفش ..خلى بالك انت من نفسك .

وانت فى الطريق ..تكاد الذكريات ان تنهش من روحك ..قطعه قطعه ..وانت ليس لك لا حول

ولا قوة ياصديقى ..لا تستطيع سدود العالم ..ولا اقوى الدروع ان تحميك من قساوة تلك
الذكريات ... بمجرد ...ان تسرح فى شىء ما ..ف انك تسافر لعالم ليس له بدايه او نهايه ..

تقتل من تكره ..وتحى من مات ..وتعيش مع من تحب .. وكيف تحب ..يكون العالم كله طوع
امرك ياصديقى ...روحك الشارده قد تطوف انحاء العالم ..بل الكون باكملة ..وانت مازلت

فى مكانك ..ثابت كانك تمثال خلقمن فولاذ ..لا تحركه العواصف العاتيه ...

... هانا انا مع سارة حبيبه قلبى .. وجنه حياتى .. تلك الفتاة ..التي جعلت منى ..شخصا قويا

يهابه الجميع .. وها هم اولادنا .. يلتقون ويلعبون حولنا .. وها قد اتى رفيق الدرب ..دياب

ومعه اختى مى قد تزوجوا وانجبوا لنا ياسين ومنى ... اراك تتساءل من منى .. حقا لا اعلم

ولكنى احببت هذا الاسم حقا ..

كلها هو اجس واوهام .. افق من غفلتك يا حسام رددت هذه الجملة مرارا وتكرارا حتى افيق

من ما انا فيه ..

حينما يشتد بى الحال ..واشعر بالاختناق اذهب اليهم .. فهم يشعرون بكل شىء .. و حتى ان

لم يفعلوا فانا اشعر بهم ..واشعر بقربهم .. اذهب الى مقابر عائله الزهار ..واشتكى اليهم ك
عادتى ..طوال تلك الاشهر الماضيه ..

اعتدت دخول المقابر طوال الاشهر الماضيه .. وربما غفوت بجوار المقابر كثيرا

ومع ذلك لم اشعر يوما بالخوف ..او القلق ..والتوتر ..

فانا مؤمن كل الايمان ..بان الاموات لا ياذون احدا ..الاحياء فقط يفعلون ..

حينما اقتربت تلك المرة ..شعرت بانقباض غريب .. لا اعلم سره ..ولكنى اخبرت نفسى

لعلها من كثرة التفكير فيما مضى ..وربما من شده الارهاق .. وعلى الرغم من ذلك

اقتربت بحذر وحرس شديد .. وسمعت بعض الاصوات لم تكن واضحه فالبدايه ..

احدى الطباط : للاسف مفيش اى اخبار يا فندم .. الشىء الوحيد اللى قدرنا نعرفه من داخل
المصحه ان مى اتعلقت بطبيبها المعالج حبيب حسن ...

الممرضات بتقول انه كان الطبيب العربى الوحيد اللى هناك .. وان مى ارتحتله جداااا
واما اختفت ..حبيب قلب عليها الدنيا ..ورفع قضية على المصحه واستقال .. اتهمهم بالاهمال
وانهم سبب اختفاء مى ..

فيكتور : طب حلو جدااااا .. راقبوه .. واحسبوا عليه انفاسه .. اكيد لو مى لسه موجوده
فاكيد هنتواصل معاه ...

دانيال : ده لو مكانتتش موجوده معاه فعلا ..

احدى الطباط : احنا فعلا رقبناه ..يومه عادى ..روتين فى روتين ..

مفيش حد عايش معاه فى البيت .. حبيب عايش لوحده ..بس لاحظنا شىء غريب جداااا
مش عارف ليه علاقه ب مى ولا لا
فيكتور : ايه الشىء الغريب ده ؟؟

احدى الطباط : حبيب كل ثلاث ايام بيتصل بمستشفى ساينت جريجورى المركزى الخاص
فيكتور : ودى مستشفى تخصص ايه وفين و بيتصل ليه ؟؟ ليه حد هناك بيظمن عليه ؟؟ ولا
بيتصل شغل ؟؟

احدى الطباط : دى مستشفى للامراض العصبية والنفسية ..موجوده فى فرنسا بالتحديد فى
باريس

دانيال : ووصلتوا لايه هناك ؟؟

احدى الطباط : حبيب ليه صديقة هناك اسمها امينة ..كانوا اعز اصحاب فى مصر
وسافروا سوا .. واشتغلوا مع بعض .. منى اتجوزت وخلفت ولد وبنت وكانت متدينة جدا
وملتزمة وعلى خلق عاليه ..اتجهت للدعوة للاسلام وفيه ناس فعلا اسلمت على ايدها وبحكم
شغلها ك طبيبه ف اكبر المستشفيات هنا اتشهرت بسرعه جداااا .. وده طبعا عمل قلق لكل
جالها تهديدات انها توقف اللى بتعمله ..ومستجابتش للتهديدات .. وكملت فى طريقها ومخافتش
لحد ما فى يوم رجعت من شغلها لقت اسرتها كلها مدبوحه

كلها مقتوله ..والدم مغرق المكان ..حصلتلها صدمه عصبية شديده .. مقدرتش تستحملها
وانهارت حبيب حزلها فالمستشفى دى ..وبيزورها كل فترة ...وبيظمن عليها طول الوقت
..من وقت ما عقلها غاب وفقدت اعصابها وهى فى غيبوبه و بقت من مسؤوليه حبيب ..

واغلب اللي شغالين فى المستشفى دى عرب ومسلمين ..

دانيال : طب مفيش اى شىء تانى؟؟

احدى الطباط : للاسف لا يافندم .. بس وصلت لنا معلومات ان فيه حد فى وزارة الداخليه ..

هو اللي بيساعد حسام ..وبيحيميه

دانيال : مين؟؟

احدى الطباط : لسه معرفناش .. بس هنوصله قريب جدااا

من داخل المقابر ...بقريه كفر الكوهار بقنا فى محافظه اسوان ... بالتحديد من داخل مقابر ابن الزهار

خالد : يا بنى اهدى .. وبطل هلاوس .. مفيش حاجه طلعت ..والمقبرة مقوله ياماجد ابيه

ماجد : لا انا متأكد دى مش هلاوس .. انا متأكد انى شفته عيونه حمرا زى الدم ياخالد

عيونه كانها مرايات بتعكس نار جهنم ..

فى تلك اللحظة ظهر حارس المقابر طايح ..

مالك ياماجد بيه؟؟ وشك احمر كده ليه؟؟ ايه شفت عفريت ولا ايه؟؟

خالد : بيقول ياسيدى انه شاف حد خارج من المقبرة دى ..وعيونه كلها دم وبيبصله بغضب

وعاوز يقتله

طايح : خارج من انهى مقابر؟؟

ماجد : من مقابر عيله الزهار

طايح : اعوذ بالله من الشيطان الرجيم .. اكيد قولتوا حاجه ضايقتهم ...

خالد : فيه ايه يابنى؟؟ وشك اتغير انت كمان ليه؟؟

طايح : هو الموضوع صعب ومش عارف هتصدقونى ولا لا لان انا نفسى لحد دلوقت مش

مصدق ..

ماجد : طب احكى انا عاوز افهم .. مالها المقبرة دى وايه قصتها؟؟

وفعلا جم فالميعاد .. وفتحت لهم المقبرة .. وطلبوا منى استناهم برا عقبال مايخلصوا اللى
بيعملوه ..

فضلت مستنيهم اكثر من نص ساعه .. ف قلقت وروحت اشوفهم وياريتنى ماروحت
كانت اسوء حاجه عملتها فى حياتى

ماجد : ليه ؟؟؟؟؟؟؟

طايح : ابدأ قربت من المقبرة سمعت صوت صريخ .. رهيب طالع من جوا .. والاتنين اللى جوا
بيستجدوا بيا

وبمجرد ماوصلت قصاد باب المقبرة .. شوفت حاجه عمرى كله ماهنساها ولحد الان بشوف
كوابيس بسببها

خالد : شوفت ايه ؟؟

شوفت نار جهنم خارجه من باب المقبرة .. والاتنين بيتعذبوا اشد العذاب .. وشوفت كائن عيونه
حمرا زى الدم خرج جرى ناحيتى .. وباب المقبرة اتقلل وانا اغمى عليا .. مفوقتش غير تانى
يوم ..

فوقت على صوت ناس بتصرخ .. وهيصه .. قولت اكيد كنت بحلم .. وروحت اشوف فيه ايه
وشوفت اخر حاجه ممكن تيجى فبالى .. او تخطر على بال حد عموما ..

ماجد : يابنى ماتحكى وتخلص رعبتنا بام جو السبنس والتشويق ده انطق

طايح : لقيت الترع اللى جمب المقابر كلها دم .. ومفضلش حاجه سليمه م الشخصين دول
غير راسهم .. الرعب والفزع كان مرسوم على ملامحهم ..

والشخصين دول هما نفس الشخصين اللى دخلوا المقبرة ياما جد بيه

صمت تام من الجميع واثار الدهشه .. تملكك من الجميع .. حتى انا شعرت بالاندهاش .. بل ربما
باكثر من ذلك .. لقد شعرت بالفزع

ماجد : يعنى اللى شوفته ده حقيقى هيقتلنى ؟؟؟

طايح : مش عارف بس هو شافنى .. ومقتلنيش ولا حاجه .. انت بس متقربش للمقبرة دى تانى

هتاخذوا الجثه ولا ايه ؟؟

خالد : حملها فالعربيه ياطايح .. وانت ياما جد اهدى كده صدقتى كلها هلاوس مفيش ميت بياذى

واحد عايش

لم يكن امامى سوا الهرب... والركض سريعا من هول ماسمعت.. من هؤلاء الذين يبيعون
جثث الموتى ويستخدمونها فى اغراضهم القذرة .. ويجعلون منها فئران تجارب لابعاثهم
هل هم حقا بشرا مثلنا .. ام انهم امساخ واوغاد .. لا استطيع تشبيهم بالحيوانات .. فالحيوانات
لا تفعل ما فعلوه مهما بلغت شرستها وقسوتها ..

ومن هذان الشخصان ولماذا اتوا للبحث فى مقبرتنا... وكيف تحول بهم الحال لجثث هامده
هل طابع يمزح او يكذب ولماذا سيفعل ذلك .. وماذا ان كان صادقا هل مقبرتنا ملعونه حقا
..حقا لا اعلم فالافكار ستفجر راسى .. ما اقبح البشر ...

لم تسلم الاموات حتى من بين ايديهم ..

رجعت تانى للشركه وعدد الاسئله زاد مقلش .. مش خايف ولا مرعوب ولا حاجه .. انا بس
كنت فاكر ان مفيش غير رحيم حمزاوى واحد فى الكون .. افكرت ان مفيش ظلم هيحصل
تانى .. وان بموته كفه العدل هتاخذ حقا ...

اسئله كتيرة... وافكار مبتنتهيش... ازاي البشر وصلوا للمستوى ده من البشاعه .. وانا غرقان
فى بحر افكارى الباب خبط ودخل امين ..

امين : مالك حضرتك شكلك متغير ... وحاسس انك شايك كتير

انا قولت سفرية البلد هتريحك .. مش هتخليك تعبان وحزين بالشكل ده

حسام : مفيش حاجه يا امين كلها ضغوطات شغل وانا جاى مرهق من السفر فيه حاجه
ولا ايه؟؟

امين : ابدأ دى اوراق لازم حضرتك تراجعها وتمضيها

حسام : اوراق ايه؟؟

امين : اوراق المنشآت السكانيه الجديده ...

حسام : طب هاتهم وهراجعهم بعدين

امين : اتفضل يا فندم هو بس ..

حسام : مالك يا امين مش على بعضك ليه فيه ايه؟؟؟ انطق؟؟

شركه الادوية بعنت تسجلنا والمندوب هيوصل بكره

حسام : مش عارف ليه مش مطمئن للشركه دى

انت عملت ايه صحيح مع الدكتوراة اللي طلبتهم؟؟

امين : انا كلمت الدكتوراة رحيق سعد .. وهى موجوده منتظرة برة

حسام : رحيق مين؟؟

امين : دى اللي قولتلك عليها يافندم قبل كده

حسام : مش فاكراى حاجه

امين : دكتوراة رحيق اشتغلت كثير فى شركات الادوية العالميه .. والشركه

اللى كانت فيها كانت بتتعامل مع شركه الادوية اللي عاوزه تعمل معنا الشركه

حسام : اه افكرتها طب دخلهاالى بسرعه عاوز استفسر واعرف منها اكثر جايز تظمنى

امين : حاضر ثوانى ابعتها لحضرتك ..

خرج امين وهو يشعر ان حسام ليس على طبيعته .. ملامحه متغيره .. ملامحه بارده ك الموت .. لقد تغير شىء فى كيانه لا يعرف ماهو ذاك الشىء لكن ذلك لا ينفى حقيقه ذلك التغير

امين : دكتوراة رحيق حسام بيه فى انتظارك

دكتوراة رحيق : السلام عليك ورحمه الله وبركاته

حسام : وعليكى السلام ورحمه الله وبركاته

لقد تغيرت ملامح حسام البائسه .. الى ملامح مبتسمه بمجرد سماع صوتها العذب .. كان صوتها شذيا كتغريد البلابل او زقزقه العصافير ..

ملامحها الهادئه اسرته فقد كانت جميله جمالا لم تقع العين على شبيه له .. فى اى مكان ولم تروى القصص او الاساطير اى شىء عنه .. وعيناها خضراء كانها قطعته من الجنه .. وقوامها رشيق كانها فراشه متآلقه ... فهى حقا حورية من الجنه ..

شعرت بالخجل حينما وجدته شاردا فى ملامحها ..

دكتوراة رحيق : مالك يا استاذ حسام؟؟

فيه حاجه ايه؟؟

حسام : لا والله انا اسف جداااا سرحت بس

بدائية جدااا والاعتماد الكلى كان على الاعشاب ومع ذلك كانوا يخفوا ويتعالجوا؟؟ اما حاليا الطب ومجال صناعه الادوية والعقاقير وصل لمرحله عاليه من التطور .. والجسم مبقاش يستجاب لان الامراض اتطورت تطور رهيب وبقى فيه مليار نوع من الجراثيم والامراض فى تزايد .. المهم سافرت فعلا وخذت الدكتوراة من جامعه برلين بالمانيا .. ونزلت فى مصانع ادوية كثير

حسام : ماشاء الله عليكى ممتازة فعلا ...طب والحجاب مفكرتيش تتخلى عنه؟؟

رحيق : لا طبعا عمرى مافكرت اعمل كده .. بالعكس اتمسكت بيه اكثر .. انا ارتديت الخمار وانا فى انجلترا .. ووقعت فى مشاكل كثير بس ربنا كان دايما بينجندى منها .. خمارى بنسبالي الخمار بنسبالي حياة ... جنه وعمرى ما هتخلى عنه مهما حصل ...

كلما مرت الدقائق وهى تتحدث زاد اعجاب حسام بها .. وبثباتها وتمسكها بدينها وعفتها ... فهى تجمع بين العلم والدين معا .. لم يستمع ل احد بانصات ك تلك المرة .. فهو لا يستمع باذنه فقط .. بل بجسده وكل جوارحه ..

رحيق : هو حضرتك ساكت كده ليه ويتستمع ليا بانصات شديد

حسام : انا .. انا مش عارف هو بس طريقه كلامك كويسه جدا وتجذب انتباه اى حد

رحيق : اه طب هو حضرتك كنت عوزنى فايه؟؟

حسام : فيه شركه ادويه اجنبيه اسمها نوفو فارما ... بعثت لنا فاكس ..بانها عاوزه تشاركنا وتتعامل معنا .. احنا هنشتري الاراضى وهى هتبنى وتاسس مصانع الادوية وتعمل ليه شركات توزيع .. فى مقابل ٢٠ فى المية من الارباح .. وهيبعتولنا الخبرا بتوعهم عشان يشرفوا على كل شىء ..

تعرفى عن الشركه دى اى حاجه يادكتورة رحيق؟؟

دكتورة رحيق : اه طبعا دى شركه مشهورة جدااا ..وليهها فروع فى كل مكان .. واما كنت فانجلترا اتعاملت معاهم فعلا ... اهم شىء عندهم الالتزام ومصداقيه عاليه جدااا

حسام : طب حلو جداا مندوب الشركه جاى بكره ومعاه العقود

رحيق : بكره بس

حسام : بس؟؟ بس ايه؟؟ لو فيه حاجه احكيها؟؟

رحيق : لما كنت فانجلترا سمعت اشاعات عن الشركه دى .. ان تجارتها غير مشروع وانهما بتعمل ابحاث طبيه عسكريه لامريكا ..وان زى مايبصنعوا الدوا .. ليهم مختبرات سريره

بيصنعوا فيها الامراض وينشروها ولما تموت كذا مليون ينزلوا المصل الاسواق السوداء
حسام : يانهار اسود وعاوزنا نتعامل معاهم ؟؟؟ ازاي ؟؟ انا هتصل عليهم الغي الصفقه
رحيق : لا خلى المندوب يجي كمان دي اشاعات ممكن اي شركة منافسه تطلعها
حسام : بس انا مش مطمئن من البدايه للشركه دي
رحيق : متقلقش انا ليا صديقه شغاله فى المؤسسه دي ..هتاكد منها من كل حاجه
ولو فعلا فاسدين بيقى دي فرصتك انك تفضحهم وتقضى عليهم وتنقذ ملايين من شرهم ولا ايه
؟

الظابط يوسف : مالك ؟؟ شكلك متغير ؟؟ قلقان من حاجه ؟؟
مجهول : مش عارف هي حاجه تقلق ولا لا بس شغلانى جدا
الظابط يوسف : اي هي احكى ؟؟؟
مجهول : اما كنت براقب حسام فى قنا اما راح المقابر .. فضلت بره مستنيه
دخل وغاب بتاع ساعه كده ولقيته طالع يجرى وومر عوب
تصدق اني كنت هظهرله عشان اعرف ماله واهديه ..بس قولت ظهورى ممكن يجبله سكته
قلبية ..وبعد ماخرج فيه عربيه سوداء خرجت من المقابر والحارس موصلهم ..
الظابط يوسف : عربيه ؟؟ كانت الساعه كام ؟؟
مجهول : كانت داخله على الساعه ٢ باليل
الظابط يوسف : غريبه جدااا .. اي يودى عربيه هناك فالوقت ده واى يخلي حسام يجرى
شاف اي جوه رعبه ..
مجهول : مش عارف حسام قلبه من التيتانيوم .. فولاذ مبيخافش ..فاى كان اللى شافه جوه
وعارفه ف هو اكيد حاجه كبيرة وكبيرة اووووى
الظابط يوسف : طب معرفتش اي شىء عن العربيه دي ومين اصحابها
مجهول : معرفتش القط غير النمره

الظابط يوسف : حلو جداا هاتها وانا هكشفت عنها فى المرور وهنعرف مين دول
ولو حابب ممكن اودى مخبرين للبلد ويراقبوا المقابر ..

مجهول : لا مش دلوقت خليها كمان شوية عشان ميلفتوش النظر فى الوقت ده ..

الظابط يوسف : ماشى اللى يريحك

مجهول : هو مفيش اى اخبار عن مى؟؟

الظابط يوسف : وحشتك صح

مجهول : وحشتنى اووووووى .. الدنيا من غيرها صعبه .. الافتقاد صعب اوى

الحياة من بعدها بقيت اصعب وانا تعبت صدقتى .. مهما بينت قدامك انى جبل

من فولاذ بس ممكن فای يوم انهار حسام كان روحى وعقلى اللى بفكر بيه .. ومى كانت قلبى

هى اللى زرعت فيه الحب والخير من تانى اتمنى لو اشوفها ولو لثوانى ..

فى احدى الفيلل الكبرى باحدى المناطق الخالية بمحافظة اكتوبر .. حيث يوجد عدد واجهزة
طبيه ومعدات حديثه ومختبر مجهز على احدث طراز .. ومجموعه من الدكاترة البعض منهم
مصريين والآخرين من جنسيات اجنبيه مختلفه ويوجد على راسهم مدير ذاك المختبر .. ورئيس
هؤلاء الجزائريين .. محمد العزازى الشهير بالمفترس .. عشرات من الاشخاص تعمل تحت يديه
يهابه الجميع كانه يملك حياتهم ويتحكم فى مصيرهم بالكامل .. الجميع يخشى ان يخطى خوفا من
عقابه فهو كالفنبله الموقوته الخطيء الاول .. معه .. يكون الاخير .. الجميع ينظرر اليه فى رهبه
واعجاب فى نفس الوقت فهو يمتلك جسد قوى عيان تلمعان لونه ابيض شاحب ك مصاصى
الدماء .. شعره اسود داكن اسود من ظلام الليل .. له قوام رياضى وجسد متناسق من يراه يعتقد
انه شاب فى اوائل الثلاثينات .. على الرغم انه شارف على اتمام الثمانين عام؟؟؟

محمد العزازى : ايه الاخبار عملتوا اى فى الجئه اللى ماجد جابها امبارح؟؟

سامح : احنا شرحنا الجئه والاعضاء لسه سليمه ..

العزازى : طب حلو جداااا جهزتوها فالصناديق عشان تتشحن ولا لسه

سامح : جهزناها فعلا للشحن .. بس هو فيه حاجه غريبه حصلت واحنا بنشرحه

العزازى : ايه اللى حصل؟؟؟

سامح : هى حاجه غريبه وملهاش تفسير على الرغم اننا شرحنا جثث كثير بس الجثه دى حرفيا سببت لنا الرعب ..

العزازى : حصل ايه فلقنتى؟؟

سامح : الجثه اتحركت ..

انتهى الاجتماع بين رحيق وحسام .. رغم انه دام اكثر من ثلاث ساعات الا انهم لم يشعروا بمرور الوقت .. مرت تلك الساعات كأنها ثوانى معدوده .. لم يرد احد منهما ان يرحل عن الاخر ... كلاهما شعروا بالارتياح وبالامان لبعضهما البعض ... غادرت رحيق مكتب حسام تاركه خلفها قلب ينبض بالحياة اخيرا .. نورا اخترق قلبه .. قادر على محو كل تلك الهموم المتراكمه ..

حقا ما اجمل ضحكاتها وابتسامتها الصافيه ... لقد جعلت جبل من الثلج ينوب من جديد

لقد اعادت لى شىء .. غاب عنى منذ رحيل احبائى ... اعادت لى الحب .. اشعر بانى قد ولدت من جديد .. اللهم اجعل قلبها لى سكنا وامنا وامانا وبينما انا مستغرق فالتفكير دخل على امين ومعه هيكل وعلى وشوشها ملامح من الغضب والانفعال فسالتهم ماذا هناك
هيكل : فيه شركه خدت مننا تصاريح جبال السراج وبتعمل قرى سياحية هناك .. وشركات استثماريه وهيرحلوا سكان القرى اللى هناك عشان يعملوا القرى براحتهم ..

حسام : انت بتقول ايه؟؟ ازاي ده حصل؟؟ احنا مقدمين الطلب ده لوزارة الاسكان والتعمير من مده كبيره ودفعنا كل اللى طلبوه وعملنا معظم الاوراق ازاي شركه تانيه تاخدها وازاي يرحلوا الناس دى؟؟ اى الاستهتار ده؟؟

امين : انا قولت لحضرتك يافندم فيه بدل الشركه المنافسه الف ... وكلهم عاوزين يقضوا علينا باى شكل ..

حسام : بتاعت مين الشركه اللى خدت جبال السراج دى؟؟؟

هيكل : بتاعت محمد العزازى

حسام : بتقول مين?????

الام : فى شغلها فى المينا

رحيق : اه صح هو بابا لسه ماسك شغل الجمارك اللى فالمينا

الام : اه يابنتى وربنا كرمه وترقى وبقى مدير الجمارك هناك

الام : طب يلا كلى وارتاحى ونامى شوية ووقت ماتفوقى كلميها .

رحيق : لا لا انا هموت وانا هنام الاول ووقت مابابا يجى من الشغل هكون صحيت وفوقت
وهاكل معاه

العزازى : حصل ايه؟؟ يعنى اى الجثة اتحركت؟؟ ده اللى هو ازاي يعنى؟؟

سامح : زى مابقول لحضرتك ماجد جاب الجثة وحطيناها فالمشرحه .. مع الجثث التانيه

وبعد ساعه واحده سمعنا صوت خبط ودوشه جاى من المشرحه .. روحنا نشوف فيه ايه

لقينا منظر كافي انه يجبلنا ازمه قلبيه ويشيب الراس ..

العزازى : لقيتوا ايه؟؟؟

سامح : الجثث خرجت من الادراج كلها .. والجثة اللى جابها ماجد

لقيناها قاعده على الارض ..وعينها مفتحه ..وكل الجثث قدامها فى صف واحد

كانها بتتحكم فيهم ..

من شده الموقف وصعوبه ان عقلنا يتحملة كلنا بدون استثناء طلعا نجرى من المكان

حتى الحراسه اللى كانت موجوده والبودى جارادات الرعب اتمكن من قلبهم واختفوا ..

العزازى : سامح انت بتهزر صح؟؟ ماهو يابتهزر يابتخرف؟؟

متأكد انك دكتور انت شارب اى ياسامح؟؟

سامح : مش شارب حاجه وتقدر تسال كل الموجودين وتتاكد من كلامى

وعارف ان كلامى صعب انه يتصدق ده لو مكانش مستحيل

بس اللى جاى اصعب

العزازى : حصل اى تانى؟؟

سامح : دخلنا تانى يوم لقينا الجثث فى مكانها وكان محصلش اى حاجه

العزازی : طب والكاميرات ؟ مش فيه كاميرات فى كل مكان وفيه كاميرات فى غرفه
التشريح مشوفتهاش ليه؟؟

سامح : فعلا فيه كاميرات وشوفناها ولقينا .. الوقت اللي حصل فيه الرعب ده
مش متسجل محذوف .. وبقية التسجيل فيه وش وصریح وبس ..

العزازی : انا مش قادر افهم ولا استوعب اللي حصل ده حصل ازای ؟
بس انت لازم تلاقى تفسیر وفاسرع وقت .. ولو سمعتك بتقول ان ده شغل عفاريت
وسحر هزعلك يا سامح . شوف ماجد فين واعرف اى حكاية الجثة دى وجابها منين
وليه مختفى كده وابعث الرجاله يستلموا شحنة الاغذيه من الميناء .

سامح : حاضر يافندم بس هو فيه مشكله بسيطه

العزازی : ايه هي؟؟؟

سامح : مدير الجمارك رافض يصدق على ورق الشحنة .. وعاوز ياخذ منها عينه بنفسه
يحللها مش عارف ليه
بس تقريبا حد قاله حاجه

العزازی : اتصرف ياسامح ارشوه اقتلوه المهم الشحنة تدخل وبای شكل وبای تمن ..

من داخل شقه حبيب حسن المعالج النفسى لمى ياسين الزهار ..

رن الهاتف مرات عديده ..حتى افاق حبيب من نومه ..بمجرد استماعه لرنات الهاتف
انفض من سريره مسرعا كالبرق ...

المتصل : مبروووووك يا حبيب

حبيب : الصوت ده انا عارفه دكتور اسعد؟؟

المتصل : اه يا حبيب انا فعلا دكتور اسعد

حبيب : مبروووك على ايه

المتصل : امينه فاقت يا حبيب .. لسه فايقه من دقائق

وقولت اكلمك واعرفك

حبيب : بجد ؟؟؟ مش مصدق نفسى والله

طب هى عامله ايه ؟؟ بخير ؟؟ فاقت خالص من غيبوبتها ؟؟

المتصل : هههههههه للدرجه دى ملهوف ... والله فاقت وبقيت تمام

بس قبل ماتفوق بدقايق .. قالت جمله معينه وكررتها اكثر من ٢٠ مرة وبنفس القوى ونفس الصوت

حبيب : جمله ايه يادكتور اسعد ؟؟

المتصل : كانت بتقول ليه سبتنى ومشيت يابن الزهار ...ليه خلفت الوعد يادياب ..

المتصل : انت فهمت حاجه من الجمله دى ؟؟ ومين ابن الزهار ده ؟؟

حبيب : لا مفيش حاجه تلاقيها هلاوس يادكتور حضرتك عارف الغيوبه وتأثيراتها على جسم

وعقل الانسان وان اللى هى فيه ده طبيعى ولا ايه

المتصل : صح فعلا عندك حق المهم انت هتيجى امتى ؟؟

حبيب : ان شاء الله بكره ..هحجز تذكرة الطائرة انهارده وبكره هكون عندك ان شاء الله

المتصل : تيجى بالف سلامه فى انتظارك .مع السلامه ..

بعدها بدقائق قليله قام حبيب بتغيير الشريحه وقام بتركيب شريحه جديده ..ولبس ملابس تخفى ملامحه وغادر من الشقه .. وذهب الى مكان معزول وحينما تيقن انه وحده قام باجراء الاتصال

بالدكتور اسعد ..

دكتور اسعد : مين حضرتك ؟؟؟

حبيب : انا حبيب يادكتور اسعد

دكتور اسعد : اول مرة تتصل عليا من رقم غريب فيه حاجه ولا ايه ؟؟

حبيب : لا خير اطمن مفيش حاجه ...احتياطات عاديه بس

حبيب : ممكن طلب يادكتور اسعد ؟؟

المتصل : اكيد يادكتور حبيب اتفضل اطلب براحتك

حبيب : خلى بالك من امينه لحد ماجيلك ولو حسيت باى قلق ..او اى شىء حصل ثار شكوكك

احميها وابعدها عن المستشفى والبوليس واخفيها فای مكان لحد ماقابلك وجميلك ده هيفضل

على راسى دايمًا .. ولو مقدرتش اوصل نزلها مصر ووصلها لحسام الزهار بنفسك امنية

مسؤليتك يا اسعد ده اخر طلب بطلبه منك.

المتصل : طب فهمنى فيه ايه قأقنتى ؟؟

حبيب : لما هقابلك هعرفك كل شىء هتتفد طلبى ؟؟ هقدر اعتمد عليك فى الموضوع ده
يادكتور اسعد ؟؟

المتصل : حاضر يا حبيب .. امينه هتفضل فى حمايتى لحد متوصل ومتقلش المستشفى متامنة
كويس جدا .. وانا متعاقد مع شركة حراسات خاصه .. هستدعيهم لو جد فالامور امور .. متقلش
من حاجه يا حبيب .. انا نفسى اردلك الجميل اللى عملته فيا زمان .. لولاك مكنتش سافرت ولا
تعينت فالمستشفى دى وده اقل شىء اقدر اقدمهولك .. سبها على ربنا وتيجى لنا بالف سلامه ..

خالد : انت فين ياماجد ؟؟ اتصلت عليك اكثر من ١٠٠ مرة ومبتردش او تليفونك مغلق

ماجد : انت عارف ان اعصابى تعبانه من ساعه موضوع مقرة ابن الزهار ده ..

فسافرت اسكندرية اريح اعصابى شوية واحاول انسى اللى حصل ..

خالد : ونسيت ؟؟

ماجد : مش قادر ومش عارف .. كل حاجه حصلت محفورة فالقلب والذاكرة .. كل جئه

سرقته .. بقيت بشوفهم فى كل حته وفى كل وقت ..

خالد : انت لازم تكشف ضرورى ياماجد خليك عندك انا جايلك .. ومترهقش اعصابك فالتفكير

كله هيبقى تمام والله بس اهدى واوعى تعمل حاجه فى نفسك انا ساعه او ساعتين بالكثير
وهكون قدامك ممتحرکش ..

سامح : ماله ماجد ؟؟

خالد : اعصابه بايظه من وقت ماجبنا الجئه الاخيرة دى ...

سامح : ليه حصل ايه ؟؟

خالد : بيقول انه شاف عفريت مارد او جن مش عارف واما شافه الجن ده فضل باصص
ناحيته وتوعده بالانتقام .. ومن وقتها وهو حالته النفسيه مدمرة واعصابه هربانه ..

سامح : دى جئه ملعونه .. اليوم اللى جبتوها هنا ومشيتوا احنا شفنا رعب ميتوصفش .. الجئث
اتحركت .. ووقعت من الادراج .. وكان فيه صوت صريخ شديد جاى من المشرحه ... كلنا شفنا
المنظر واترعبنا وجرينا من الخوف وتانى يوم رجعنا لقينا كل شىء موجود فى مكانه و
الكاميرات مش مسجله حاجه واللى مسجله فيه تشويش ..

خالد : بتقول ايه ؟؟ ازاي كل ده حصل ؟؟

سامح : مش عارف بس هو الموضوع مالوش اى تفسير علمى ..والادهى من ده كله ان الجنه اللى جبتوها اما جينا نشرحها ..وطلعنا منها الاعضاء ..الاعضاء فجأة تحركت ..والقلب كان لسه سليم وبينبض ..كان الشخص ده عايش وحاسس بكل شىء بيحصل وحاسس بكل غرزه سكينه ومشرط جواه ..

خالد : وازاى مقولتش لينا كل ده ؟؟ كده ماجد فى خطر انا كنت فاكرا ان الموضوع مجرد

هلاوس وان طابع بيشتغلنا ... انا رايح الحقه

سامح : هتلقه من ايه ؟؟

خالد : من الموت ..

فى عمارة النصر بالمعادى ...حيث تسكن رحيق مع اسرتها

الام : حمد الله على سلامتكم يا حاج

ابراهيم : الله يسلمك

الام : مالك كده متغير ؟؟ فيه حاجه مضايك فى الشغل ؟؟

ابراهيم : الشغل كله مقرف وزهق ..

الام : فيه ايه بس احكيلى ؟

ابراهيم : تعالى نقعد جوه لوحدنا وهحكليك كل حاجه .. الاول هى رحيق جت من المقابله ؟؟

الام : اه من بدرى ونامت قالت لما تيجى من الشغل تاكلوا سوا .

ابراهيم : طب متعرفيش عملت ايه هناك ؟؟

الام : عملت كل خير ..قابلت المدير اللى اسمه حسام ده وتعينت معاهم فالشركه خلاص

وراجعه مبسوطه جدااا ..

ابراهيم : ربنا يفرحها قلبها دايمًا .. رحيق دى جنتى ربنا يبارك لى فيها .

الام : امين يارب احكيلى بقينا لوحدنا خلاص قلقتنى فيه ايه ؟؟

ابراهيم : مشاكل فى الشغل فيه شرکه عاوزه تدخل شحنة اغذيه بنسبه كبيره

الشحنة دى فاسده ..

بعنت كذا عينه منها للمعمل ونتيجته طلعت ايجابيه والشحنة مضبوطه واما خدت العينه بنفسى

للمعمل ..واتحلت طلعت الشحنة كلها فاسده ولازم تتعدم ..لسه هكتب تقرير بكده

لقيت خمسة بودى جارادات داخلين عليا ومعاهم المدير بتاعهم ...دخل قالى جملتين ..قلقونى
اووى

الام : قالك ايه ؟؟؟

ابراهيم : قال لو كتبت تقرير بان الشحنة فاسده .. هنقتلك انت وعيلتك كلها

والشحنة هتدخل برضه .. ووقالى متحاولش تكلم البوليس احنا نفوذنا فى كل مكان .. وهتبقى
انت اللي خسران .. لو محتاج اى مبلغ احنا هندفعه اكيد انت محتاج فلوس عشان تفتح صيدليه
للدكتورة رحيق وضحك وقالى قدامك اسبوع بالكثير ياما هنتصرف احنا وسبنى ومشى ..

الام : يانهار اسود فيه ناس بالجبروت ده انت لازم تبلغ يابراهيم

ابراهيم : مقدرش اكيد مراقبيننا انا مش خايف على نفسى انا خايف عليكوا الناس دى مبترحمش

الام : طب وهتعلم ايه ؟؟؟؟؟

ابراهيم : مش عارف .

من داخل مقر الموساد الاسرائيلى ... فى دوله فلسطين الحرة ...حيث تجتمع القباحه والغدر
سويا .. ويوجد العديد من الطباط والعملاء الاسرائيليين

دانيال : مفيش اى اخبار جديده عن ابن الزهار ؟؟

اى لسه متوصلتوش مين بيحميه فى مصر ؟؟

احدى الطباط : لسه الخبر جاى حالا يافندم .. اللى بيحمى حسام

وزير الداخليه يوسف عبد الرحمن

فيكتور : انت بتقول ايه ؟؟ متأكد من معلوماتك دى ؟؟

احدى الطباط : هى المعلومه مش اكيد بس هو الوحيد اللى معاه الصلاحيات بانه ياخر
الحملات على مصانع الزهار اما كنا بنحط فيها السلاح او المخدرات ..

وبرضو اى بلاغ سهل يوصل لمكتبه بسهولة .

دانيال : كلامك صح جدا كمان يوسف عبد الرحمن كان الطباط المسؤول عن قضيه ياسين
الزهار وحمزواى وكان موجود اما اتقتلوا ..وهو السبب فان صفقه السلاح متمش .

فيكتور : طب والحل بتفكر فى حاجه يادانيال ؟؟

دانيال : يوسف عبد الرحمن لازم يتقتل ويتقتل فاقرب فرصه ..

احدى الطباط : كمان يافندم مندوب شركه الادوية هيوصل لهم القاهرة انهارده ..

كمان فيه معلومه .. واحنا بنتجسس على حبيب المعالج النفسى ل مى الزهار

سمعناه بينكلم مع دكتور اسمه اسعد ووالدكتور بيظمنه على حاله امينة صديقتة

وقاله انها قبل ماتفوق قالت جملة غريبه جدا وكررتها كذا مرة ..

فيكتور : قالت ايه ؟؟؟

الطباط : قالت ليه سبتنى يابن الزهار ليه مشيت يادياب .

استيقظت رحيق من نومها بعد نوم هادى عميق ..لم تشعر بكل تلك الراحة والامان من قبل

لقد نامت وهى سعيدة ..السعادة تسرى فى خلاياها ..حقا الحب يصنع المعجزات ..

الام : كل ده نوم يارحيق ؟؟

دانتي اول مرة تنامى كثير كده

رحيق : ليه هى الساعه كام دلوقت وانا نمت قد ايه ؟؟

الام : انتى نمتى اكثر من ٨ ساعات يا رحيق ..

رحيق : ياااااه كل ده فعلا اول مرة انام كده بس انا كنت مرتاحه ومبسوطه فنمت براحتى

الام : من ايه بقى ؟؟؟

رحيق : من ايه ايه لوحدى يامامتى يا حبيبتى

صحيح هو بابا جه من الشغل ولا لسه ؟؟

الام : اه جه من بدرى بس مرضيش ياكل ..

رحيق : ليه ؟؟؟

الام : ها

رحيق : مرضيش ياكل ليه ؟؟؟

الام : مستيكي تصحى مش قولتى هتناكلى معاه اما يجى من الشغل بتاعه

رحيق : مع انى مش مطمئنه وحاسه ان فيه حاجه فى نبرة صوتك ومخبيه حاجه عنى

بس هعديها المرة دى ..

الام : مفيش حاجه عشان تعديها اصلا قومى يلا وبطلى كسل ..

حسام : بتاعت مين الشركه اللي اخدت جبال السراج ؟؟

هيكل : بتاعت محمد العزازى

حسام : بتقووول مين ؟؟؟؟

هيكل : بتاعت محمد العزازى اكبر منافس وعدو لينا عنده كم شركات ضخمة

غير المستشفيات اللي بيدبرها من الباطن ...

بس انت اندهشت من الاسم كده وملاحك اتغيرت ..كانى قولتلك على اسم ملك الموت

فيه حاجه ولا ايه ؟؟

حسام : لا لا مفيش حاجه .. انا بس مستغرب يعنى عنده كم الاستثمارات دى ..وعاوز ياخذ

جبل السراج مننا هو محتاج ارباح ؟؟

كمان ازاي المحافظه توافق على حاجه زى كده ازاي ..

امين : الفلوس بتخلى كل شىء قابل للتفاوض وللمساومه والبيع

حسام : الا المبادئ والاخلاق يا امين .. مبتقدرش بكنوز الدنيا كلها ...

هيكل : طب هنتصرف ازاي دلوقت فى اللي حصل ده ؟؟

حسام : حدد لى ميعاد مع وزير الاستثمار ووزير الاسكان والتعمير

وهنتستفسر عن كل حاجه ..اكيد فيه شىء غلط .. الصفقه دى مستحيل تتم على جتنى ..

امين : طب اهدى طيب يااحسام بيه ليه بتتكلم بعصبيه كده كان لىك تار عند العزازى ده ..

حسام : لا لا تار ولا حاجه .. بس الناس اتظلمت بما فيه الكفايه ف كفاية ..

المجهول : سألت عن نمره العربيه اللي ادتهالك ؟؟

يوسف عبد الرحمن : اه والبيانات لسه جايه ابيه ..

المجهول : تبع مين العربيه دى ؟؟

يوسف عبد الرحمن : بتاعت ماجد محمد العزازى ..

المجهول : مين ؟؟؟

يوسف عبد الرحمن : بتاعت ابن محمد العزازى ..صاحب اكبر مجموعه شركات استثماريه فى الوطن العربى والمنافس الاول لحسام .

المجهول : طب ايه وداه للمقابر عندنا ايه خلاه يروح كفر الكوهار

يوسف عبد الرحمن : مش عارف الوحيد اللى يقدر يجاوبك حسام يا ماجد

وعموما انا طلبت يجبولى ملف محمد العزازى ..وحطيت عليه مراقبه بس من غير ما حد يعرف وبشكل غير رسمى ..

المجهول : ليه بشكل غير رسمى ؟؟؟

يوسف عبد الرحمن : عشان لو طلبت ان التحريات والمراقبه تكون بشكل رسمى .. بنسبه كبيره هتترفض والعزازى هياخد خبر بكده وهياخد حذره انت عارف ان دول ممنوع المساس والاقتراب منهم ..

دانيال : ابعثوا عملائنا للمستشفى دى بسرعه دى اكيد مى بنت ياسين الزهار

لازم تخطفوها باى تمن معاكوا كل الصلاحيات بس مى لازم تبقى تحت ايدينا فى اسرع وقت

فيكتور : طب وحيب ؟؟

دانيال : عذبوه وبعدين اقتلوه ..

احدى الطباط : تم يافندم عملائنا فى الطريق للمستشفى

وعملائنا اللى هنا فالطريق ل حبيب ..

نهضت رحيق من فراشها وذهبت .. لتتوضىء وتصلى مافاتهما من الصلاوات .. وبدون ان تشعر وجدت قلبها يدعوا لحسام بشكل لا ارادى .. انها تشعر بوجوده وقربه منها .. وتنتظر بفارغ الصبر لتقابلة مرة اخرى .. وقبل ان تنهض من مجلسها وتذهب ل اباها .. قالت اللهم اجعل لى الخير فيه .. وان كان شرا فاجعله خيرا يارب العالمين .. فقد اضاء حياتى من جديد .. واعد لها رونقها .. ونهضت مسرعه مستجيبة لنداء الام ..

الاب : ها وقد استيقظت رحيق الجنه اخيرا ..

رحيق : هههههههههههه اى الدلع ده كله يابابا

الاب : هههههههههههه لو مدلعتش بنتى هدلع مين يعنى

رحيق : دلع الحاجه مثلا ..

الاب : هههههههههههه وهى الحاجه اشتكتلك ولا حاجه

عارفه يارحيق ... انتى وحشانى جدااا عارف ان من جواكى لسه زعلانه عشان رفضت موضوع سفرك ... وتخانقت معاكى بسببه .. بس غصب عنى والله يابنتى مقدرتش اتحمل فكرة سفرك وانك تغيبي عنى كده ف عشان كده عارضتك ورفضت .. بس انا والله بحبك يابنتى ومعنديش اغلى منك فالدنيا دى كلها .. ومهما حصل فلازم تعرفى ان اى حاجه عملتها او عملها هتبقى عشان خايف عليكى وبحبك ..

حينما سمعت تلك الكلمات من اباها قامت مسرعه اليه .. وقامت باحتضانه وتقبيل راسه .. وفاضت عيناهما بالبكاء .. ف كل منهما اخطىء فى حق الاخر بشكل او باخر .. ولكن قد تبخر كل ذلك بعد كلمات الاب .. تلك ..

رحيق : اهدى يابابا مفيش حاجه انا مقدرش از عل منك يا حبيبي .. انا كمان سافرت بدون ارادتك ومباركتك وتعبت جداا هناك فرجعت تانى رجعتك يا احن اب فالدنيا ..

من داخل مستشفى ساينت جريجورى المركزى الخاص .. استيقظت مى اخيرا .. استغرقت بعض الدقائق لتدرك انها فى احدى المستشفيات ولا يوجد فالغرفة سوى ممرضه واحده بمجرد

سماع صوت مى هرولت للخارج لدكتور اسعد تخبره بان المريضة استيقظت اخيرا

ذهب دكتور اسعد مسرعا لغرفة مى ..

دكتور اسعد :السلام عليكم اذيك يا امينة عامله ايه دلوقت ؟؟

می : امينه ؟؟ امينه مين ؟؟

دكتور اسعد : امينه انتی انتی بس لسه فايقه ومش مركزه بس

می : لا انا مركزة كويس انا اسمی می ياسين الزهار

معرفش مين امينه دی ..

دكتور اسعد : ازای ده حبيب هو اللی مدینی ورقك وباسبورك باسم امينه

می : حبيب ؟؟ وهو فين حبيب ؟؟ انا عاوزه اشوفه ارجوك

دكتور اسعد : انا اتصلت عليه وهو فالطريق جای اهدی

بس هو ليه عمل كده ليه غير اسمك ؟؟

می : هقولك بس قولی الاول انا جيت هنا ازای وبفالی قد ايه هنا ؟؟

دكتور اسعد : بقالك هنا اكثر من ٦ شهور .. حبيب جابك كنتی ف غيبوبه حاده

عملنا ليكى فحوصات وتحاليل واكتشفنا انك واخده اكثر من ٢٠ قرص منوم ..طبعا عملنا ليكى
عمليه تطهير ..ومن وقت العمليه وانتی فی غيبوبه وحبيب كل اسبوع كان بيتصل يطمن عليكى

وكان بيجى كل فترة يقعد هنا قصادك ..وصى عليكى اى حد هنا..صدقيني كان ناقص يوصى
حيطان المستشفى ..ووصانى بانى اشرف على حالتك ..

می : كل ده عمله ؟؟

دكتور اسعد : اللی بيحب بيعمل كل شيء ممكن ..ويحول المستحيل ممكن ويعمله عشان اللی
بيحبه .. احكيلى بقى ليه غير اسمك وخبي ؟؟

می : غيره وخباه عشان فيه الف عدو عاوز يوصلی وي

قبل ماتكمل كلامها ..دخلت الممرضه وعلى وشها علامات الرعب

يادكتور الحقنا ارجووك

دكتور اسعد : فيه ابيبيه ؟؟؟؟

الممرضه : فيه عربيات جيب قدام المستشفى ..ونازل منها اكثر من ٢٠ شخص وكلهم مسلحين

وشبه رجال العصابات وقتلوا الامن ..

دكتور اسعد : شكلهم وصلوا يامی .. هتقدری تمشی ولا اشيلك

احنا لازم نهرب من هنا بسرعة...فيه باب خلفى للخروج لعمال الصيانة هنخرج منه..متقلقش
يامى كله هيبقى تمام...انا هتصل على حد ياخدنا ويامنا من برة ..

دكتور اسعد : ايوة يامارك احنا خارجين من الباب الخلفى للمستشفى امنا خمسه دقائق وهنكون
عندك .. وابعث اى حد تعرفه فى المانيا ل حبيب بعثك العنوان

ارجوك انقذه يامارك ...

فى شقه باسكندرية حيث ينتظر ماجد وصول خالد ..ويقف على شرفه الشقه

هناك شىء داخل راسه يخبره بانه يجب ان يقف ..كى يتخلص من كل تلك الاشباح والاصوات
المرعبه اللى تلاحقه فى اى مكان .. قبل ان يتخذ تلك الخطوة وصل خالد بالفعل ووقام بالتخبيط
على الباب بكل قوته كاد ان يكسره لولا ان ماجد تراجع عن ما كان سيفعله وقام بفتح الباب له

خالد : انت قفقتينى عليك ياماجد فيك ايه

ملاحك بقيت باهته كده ليه ؟؟

انت رجعت تشرب مخدرات تانى ياماجد ؟؟؟ ليه يا اخى ليه كده ماصدقنا انك بطلتها ليه ؟؟

ماجد :اه رجعت وولو كنت اتاخرت ثانيه واحده كنت هتلاقينى نطيت من البكونه وانتحرت
...رجعت للمخدرات عشان انسى ..عشان ابطل اشوفهم واسمع صوتهم ..الشبح اللى شوفته
خارج من مقابر ابن الزهار لسه ببلاحتى وكل مبنام بشوفه وهو بيقتلنى ..

حسام : سبونى دلوقت لو سمحتوا

خرج الجميع وتركوا حسام وحيداا...وقام بطلب رقم احد الاشخاص من السكرتيرة ..
وقام بالاتصال باخر شخص قد يخطر على باله بانه سوف يتصل به فى يوما من الايام

السلام عليكم ممكن اكلم عزازى بيه لو سمحتى

السكرتيرة : نقوله مين حضرتك ؟؟

حسام : قوليله حسام الزهار ولازم اكلمه ضرورى

السكرتيرة : طب ممكن تستنانى ثوانى

حسام : مع حضرتك

السكرتيرة : عزازى بيه فيه اتصال ل حضرتك من واحد اسمه حسام الزهار ومصمم يكلم
حضرتك ضرورى

العزازی : حسام ؟؟؟ الزهار ؟؟ حوله طبعاً

العزازی : اذیک یا حسام بیه

حسام : انا الحمد لله انا محتاج اشوفك ضروری

الكلام فی التلیفون مش هینفع ..

العزازی : اکید متصل بخصوص جبل السراج .. عموماً شوف المكان والميعاد اللی یناسبك

وانا هاجی ..

حسام : نتقابل الساعه ۲ باللیل فی كفر الكوهار مكان قريب من جبل السراج

العزازی : حلو جداً كده كده انا رایح هناك عشان اشرف على المشروع واتابعهم .

حسام : تمام اتفقنا ..

رحیق : الو ندى مراد معایا ؟؟

ندی : اه انا هی الصوت ده مش غریب علیا انتی رحیق ؟؟

رحیق : اه انا هی یاحبیبتی وحسانی جدا یاندى عامله ایه عندك ؟؟

ندی : الحیاة بقیت وحشه جدا من بعد مامشیتى انا جایه على مصر انهارده .. ومش هسافر تانى

یارحیق حتى لو هموت ..

عشان عندى ميعاد مع شركه اسمها الزهار ..

رحیق : مستحیل ؟ انتی المندوب اللی المؤسسه بتاعتكوا بعتاه ؟؟

ندی : انتی عرفتی ازای ؟

رحیق : انا اشتغلت فالشركه دى ومديرها طلب منى اقابل المندوب ده واستفسر منه

وافتكرت انك هناك فقولت اسالك وتاكد من سمعه المؤسسه الاول لانك اكيد سمعتی الشائعات

اللی تقالت عنها

ندی : دى مش شائعات یاحبیبتی كل كلمه سمعتیها صح .. انا خلاص داخله المطار نتقابل بكرة

ولو ای صفقه جاتلكوا من الشركه دى ارفضوها .. انا جبت بیانات وملفات تودیهم جهنم ..

وبلغت الداخليه بكل حاجه ومنتظرنى فی المطار ..

خرجت الممرضه وورائها دكتور اسعد وهو يحمل مى .. فاذا بمجموعه من الرجال الضخمه
تقف امامهم وقاموا باطلاق الرصاص فوقعت الممرضه جثه على الفور .. فالوقت ذاته ظهر
مارك ومعهم مجموعه من الرجال المسلحين وقاموا بقتل هؤلاء الرجال ..
وقام مارك بادخالهم السيارة والاطمئنان عليهم والتأكد من انهم لم يصابوا بشيء وانطلق مسرعاً
بسيارته كالبرق ..

مارك : ممكن اسالك سؤال يادكتور اسعد ؟؟

دكتور اسعد اتفضل طبعاً

مارك : اى يخلى اقوى رجال المخابرات والماфия يبقوا عاوزين يوصلوا ليكوا بالشكل ده ؟؟

دكتور اسعد : مخابرات ؟؟؟

مارك : اه ده شغل رجال المخابرات نفس الاسلوب والاستراتيجيه

هى مين اللى نايمه ورا دى ؟؟

دكتور اسعد : مريضه عندى اسمها مى حبيب طلب منى انقذها وقالى ان اللى حصل ده ممكن
يحصل

احنا لازم نوصل مى مصر باى شكل وبإى طريقة

ومن غير ما حد ياخذ باله منهم ..

مارك : اه يعنى كل ده عشان مى هى عميله مزدوجه ولا ايه

عموما متقلقوش هنتصرف ..

دكتور اسعد : مفيش اخبار عن حبيب ؟؟

مارك : بصوت هادىء اخبره بان ..

حبيب اتقتل .. رجالتى اما وصلوا لقوه مضروب بالرصاص وميت .

وشافوا نفس العربيات دى خارجه من هناك ..

يوسف عبد الرحمن : فيه حاجه غريبه حصلت انهارده

المجهول : ايه هي ؟؟

يوسف: حسام اتصل بمحمد العزازی وطلب يتقابلوا فى كفر الكوهار

وغالبا هيبقى متاخر ساعه ٢ كده ..

المجهول : هي فعلا حاجه غريبه وغريبه جدا ..

يوسف : لا فيه الاغرب محمد العزازی حد تبعنا شافه خارج من مكان مهجور باكتوبر

و عرفنا بطريقتنا ان المكان ده عبارة عن معمل تشريح الاعضاء اللى بيتاجروا فيها ..

رحيق : ماما هو بابا ليه حسام متغير كده ليه ؟؟ فيه حاجه فى الشغل ؟؟

الام : لا يا حبيبتى مفيش

رحيق : لا فيه وهتحكى انا هقدر اساعده يا امى .. هبلغ حسام وهو ليه علاقات كثير هيساعده

اي كانت المشكله فيه ايه ؟؟

الام : بصراحه فيه ناس فى الميناء مهددين والدك فى الميناء وطالبين منه ان يوافق على دخول

شحنه اغذيه فاسده ياما هيقتلونا وهددوه بيكى يارحيق ..

رحيق : طب اهدى ياماما متعرفيش اسم الناس دى ايه او الشركه دى ايه ؟؟

الام : مش عارفه بس فيه ورقه جوه ..التقرير السليم بتاع الشحنه اللى بيثبت انها فاسده اكيد

هتلاقى اسم الشركه عليه ..

هدخل اجبهولك ..

رحيق مسكت الورقه ولقيت ان الشركه باسم محمد العزازی ..

الام : ها يابنتى عرفتيها ؟؟

رحيق : اه يا امى ومتقلقيش ومتخلهوش يمضى على حاجه ولا يوافق انا رايحه الشغل وهقول

لحسام وهو اكيد هيعرف يتصرف ..

خرجت رحيق مسرعه ن البيت ك البرق لشركه ابن الزهار .. استاذنت من السكرتيرة

وطلبت الدخول لحسام وبالفعل قامت بالدخول اليه فى دقائق معدوده ..

حينما راها حسام شعر بان هناك خطبا ما .. الخوف يتمل ملامحها .. والقلق يسكن قلبها
وجوارحها ترى ماذا هناك

حسام : مالك ملامحك متغيرة كده ليه ؟؟؟

رحيق : انا فى مصيبيه

حسام : مصيبيه ؟؟ مصيبيه ايه ؟؟؟

رحيق : والدى شغال مدير جمارك فى المينا مسؤل عن الشحنات اللى بتدخل ليها ..مسك شحنه
اغذيه فاسده بس فيه ناس هددوه بيا وقالوا لو بلغ ومنفذش كلامهم يقتلونا كلنا

حسام : انتى بتقولى ايه ؟؟ والشحنه دى تبع مين ؟؟

رحيق : والله زى مابقولك كده .. الشحنه تبع واحد اسمه محمد العزازى ..

حسام : العزازى تانى ؟؟؟

رحيق : انت تعرفه ؟؟

حسام : لا لا سمعت عنه ..بس متقلقيش انا هتصرف

انا هتصل على حد اعرفه فى الداخليه هيساعدنا ..متقلقيش محدش هيمس والدك بسوء .

من داخل مقر الموساد الاسرائيلى ..بدوله فلسطين الحرة الابيه ..حيث اجتمع عدد من قاده
وعملاء الموساد لمتابعه التطورات لكل مايحدث فى الدول العربيه ...ولمعرفه المستجدات مع
عائله الزهار ..

دانيال : مفيش اخبار من عملائنا اللى فرنسا خطفوا مى ولا لسه ؟؟

فيكتور : مى هربت منهم

دانيال : ازاي ده حصل ؟؟ ازاي تهرب من النخبه ؟

فيكتور : مش عارف بس فيه حد ساعدهم يهربوا ..

دانيال : طب وحبيب فين ؟؟

احدى الطباط : حبيب قاوم عملائنا فقتلوه ..

دانيال : ايه الاستهتار ده انتوا عارفين عملتوا ايه انتوا ضيعتوا اهم ورقه ضغط ممكن
نستخدمها على ابن الزهار

فيكتور : هو ده اللي حصل محدش اتوقع اى شىء وانهم ممكن يحاولوا يهربوا ..

دانيال : مفيش حاجه اسمها متوقعناش كل شىء قابل للحدوث

نفس نظريتك دي هي اللي خسرتنا الحرب في ٧٣

فيكتور : وليه تفكرنا باللى فات ومرارة الهزيمة دي

دانيال : لازم تفضل فاكر اللي فات .. وفاكر ليه كسبت وليه تهزمت عشان تبقى مستعد دايمًا

وعارف نقط قوتك وضعفك

فيكتور : طب ايه المطلوب مننا دلوقت ؟

دانيال : تعرفوا مي فين باى شكل وتقتلوا اى حد في مصر ببساعد حسام ..

احدى الطباط : فيه خبر جالنا دلوقت ان عزازى هيقابل حسام الزهار ..

دكتور اسعد : البقاء لله ربنا يرحمه كان قلبه حاسس فعلا باللى هيجرى

مي لازم ترجع مصر .. لازم انفذ وصية حبيب باى شكل

مارك : متقلقش هنرجعها بس من خلال البحر

دكتور اسعد : ازاي؟؟

مارك : لا ازاي دي بتاعتى انا وانا ادرى بيها

دكتور اسعد : تمام ماشى المهم ترجع ..

حسام : اهدى يارحيق انا كلمت حد فالداخليه وهيساعد والدك

انا جمبك متقلقش ومش هسيبك .. كل اللي عوزه منك انك تقولى ليه انه يوافق على دخول

الشحنة ..ويقولهم يجوا يستلموها بكرة يارحيق ..

رحيق : قلقاته اوى يا حسام ..مليش غير بابا فالدنيا دي هو سندی ..

حسام : يرفع احد حاجبيه قائلاً : طب وانا؟؟

انفلتت ابتسامه من رحيق .. جعلت قلب حسام يشعر بالاطمئنان واخمدت بركان الغضب بداخله

وقالت : وانت ايه؟؟

حسام : هههههه لا انا بهزر مفيش .

عملتى اى فى موضوع المندوب ده سالتى حد من هناك ؟؟

رحيق : اه صح كنت نسيت خالص سالت وعرفت انها شركة محتاله فعلا وتاكدت ان نشاطاتها مريية .. والمندوب ده كان ندى مراد صاحبتى الوحيده اللى عرفتها هناك واكدتلى الكلام ده وجابت ملفات تدينهم وبلغت البوليس هنا وهيستقبلوها من المطار ..

ليه ملامح الاكتئاب والياس رجعتك تانى ؟؟؟

حسام : مش عارف من ساعه مابادات شغل وشركاتى انتشرت وكبرت .. وانا بكتسب اعداء

اعداء وبس عاوزين يخلصوا من وجود كيان الزهار باى شكل ...

رحيق : قصاد كل عدو انت كسبته .. كسبت قصاده مليون شخص غلبان .. اكتسبت حب الناس ودعواتهم واحترامهم اكتسبت شىء محدش قدره يكسبه زيك كسبت قلوبهم ..

كمان من يوم مالدنيا بدات واحنا عايشين فى صراع دايم بين الشر والخير .. مفيش حد فين شرير مية فالمية ولا طيب مية فالمية كلها نسب واحنا اللى بنسمح للنسب دى تتحكم وتكون شخصيتنا .. كل واحد فينا اتخلق اتحط قدامه كل الطرق والاختيارات محدش اتجبر على حاجه

مهما كانت الظروف .. الانسان يقدر يحتويها ويتحكم فيها ... متزعلش وافتكرك حب الناس يا حسام .

حسام : بحبك

تلك الكلمه رغم بساطه حروفها الا انها تحتوى على مشاعر لاتستطيع كتب العالم باكملها احتوائها ..

خالد : طب اهدى ياما جد كل شىء هيتحل .. انا هاخذك ونروح نكشف سوا

ماجد : لا مش عاوز اكشف انا عاوز اروح عند العزازى ودلوقت

خالد : والدك فى قنا دلوقت

ماجد : يبقى لازم نروح ليه دلوقت .. يلا نساافر له

خالد : انت صحتك مش كويسه ولو

ماجد : لو ايه ؟؟ لو شافنى كده هيتخانق معايا ؟؟ هيزعلى ؟؟

مش مهم مبقاش فارق معايا كل ده

خالد : انت مصر على السفر كده ليه ???

ماجد : اما نوصل هناك هتعرف لو مش عاوز تيجى معايا قولى وهروح لوحدى .

خالد : لا طبعا جاى معاك .

يوسف عبد الرحمن : حسام لسه قافل معايا دلوقت

المجهول : كان بيقولك ايه ??

يوسف : واضح ان العزازى مصايبه كتيرة .. بيقولى ان فيه شحنه اغذيه فاسده هتدخل مصر عن طريق المينا وقالى ان العزازى صاحب الشحنة ..وان اللى عرفه بنت شغاله عنده والدها مدير الجمارك وقولتله يخليه يتفق معاها ويسلمهم الشحنه بكرة واحنا هنقبض عليهم متلبسين وقعد نص ساعه ياكد عليا ان المدير ده ميتصايبش باى اذى ..

المجهول : كنت متأكد ان عزازى ده وراه مصايب مش بعيد يكون روح حمزاوى ورجعت تانى

كده انت هتروح مع الحمله طبعا المينا

يوسف : اه لازم اشرف بنفسى عليها وهبعت فى نفس الوقت حمله للمعمل اللى فى اكتوبر

المجهول : وانا هروح وراه حسام واشوف هيجرى اى فالمقابلته دى ..خلى بالك من نفسك

يوسف : لسه زعلان منى ??

المجهول : عشان خليتك متظهرش طول الفترة اللى فاتت يادياب ..ومنعتك من انك تتواصل ب حسام و عملتلك عمليه غيرتلك ملامحك ..

دياب : ونقذتني من الموت ..مش لولاك كان زمانى مت ..وانا عارف انك خبيبت حفاظا على حياتى ..ومقدر ده ومش زعلان كفايا انك اعتبرتني كابن ليك ..وخلتني اعيش معاك ف بيتك ..

متفكرش ف اى حاجه .. غير انك ترجع بخير ..

يوسف : وانت خلى بالك من نفسك ومن حسام ..

وذهب كل منهما فى طريقه ..كل منهما يشعر بانها المرة الاخيرة ..التى سيرى احدهم الاخر فيها ..

مارك : مى هتسافر انهارده عن طريق البحر ..فيه سفينه متجهه لمصر انهارده .ودى انسب فرصه لو مخرجتش انهارده من هنا مش هتخرج ابدًا

دكتور اسعد : مش عارف قلبى ليه مش مطمئن ربنا يستر

مارك : متقلقش انا نسقت كل حاجه وكل شىء مترتب ومعمول حسابيه يا صديقى

دكتور اسعد : انا عاوز اسافر معاها

مارك : انت بتقول ايه ؟؟

دكتور اسعد : زى ماسمعت مش هظمن غير ماسافر معاها ..

مارك : ماشى هحاول اتصرف وابلغهم انك هتسافر معاها

رحيق : انت قولت ايه ؟؟

حسام : بحبك بحبك بحبك

احمر وجهها خجلا ..وهربت منها الكلمات ..كلما حاولت استجماع قوتها لتتحدث ..تهرب منها الافكار والكلمات ..فهى منذ المرة الاولى التى رايتها فيها ..شعرت بان هناك شىء بداخلها تحرك ..وكل تلك الجراح والضلوع المتكسرة التئمت ..

حسام : مالك يارحيق ساكنه ليه ؟؟

رحيق : انا انا بس

حسام : متوترة؟؟متلخبطه؟؟ مكسوفه؟؟

وبرضو بحبك

رحيق : شكرا ربنا يخليك والله ..مش متوترة بس مش عارفه

المهم انا لازم امشى دلوقت وهبلغ والدى ..باللى قولته ليا ..وقبل ان تخرج من مكتبه نظرت اليه نظرة طويله ..نظرة حب واشتياق ..نظرة امل فى كل ما هو قادم ..

ذهبت رحيق واخبرت والدها بكل شىء ..ولم يكن امام الاب سوى ان يفعل كل ما طلبته منه ابنته وبالفعل اتصل بهم واخبرهم بانه موافق على دخول الشحنة مقابل مبلغ من المال

ويجب ان ياتوا غدا كى يستلموا الشحنة ..وهم بدورهم قاموا بالموافقه الفوريه على شروطه

وعلى ميعاد التسليم فهي فرصة لن تتعوض ..

دانيال : متأكد من المعلومه دي ؟؟

احدى الطباط : متأكد جداا عزازى هو اللى بلغنا عن طريق الرسائل المشفرة ..والمقابلته هتم بكرة فى قنا

دانيال : غريبه جدا اى وصل حسام بالغزازى

فيكتور : جايز صفقه جبال السراج انت عارف ان دى بلد حسام الاصليه

دانيال : جايز وجايز يكون فخ لعزازى وحسام هيמותه او هيبلىغ البوليس

فيكتور : وانت بتقترح ايه ؟؟

دانيال : ابعثوا للعزازى وخليه يختار مكان هادى مفيهوش حد ...ويكون سهل اخفاء الجثث فيه

صحراء مقابر وخليه يبعث كل رجالته وميروحش الميعاد ويامرهم بانهم يتخلصوا من حسام للابد ..

فيكتور : طب ليه مش عاوز العزازى يروح بدم كده كده هيروح بحراسته ؟؟

دانيال : احنا خاطرنا بحمزواى قبل كده واخذنا فترة طويله عقبال موصلنا للعزازى وجندناه

مش هناظر بيه ..

احدى الطباط : الرساله بتتشفّر ومنتبعت ليه حالا ..

دانيال : احنا لازم ننزل مصر ونشرف بنفسنا من هناك على كل حاجه ..

على متن احدى السفن المتجهه الى مصر حيث يوجد مى ياسين الزهار ومعها دكتور اسعد وكل منهما يحمل هويه مزيفه ..وقد قاموا بالتكر وتغيير اشكالهم ..

دكتور اسعد : مكنتش اتوقع انى انزل مصر تانى ويوم مانزلها انزلها هربان

مى : انا اسفه يادكتور اسعد كل شىء حصلك حصلك بيسببى انا

انما فعلا اسفه جداا

قبل الميعاد بعشر دقائق رن هاتف حسام .. رقم غريب

قام بالرد على الفور ..

المتصل : حسام الزهار معايا؟؟

حسام : اه انا حسام انت مين؟؟

المتصل : مش مهم انا مين المهم تهرب من عندك .. العزازى بعثت كل رجالته عشان يقتلوك
ويدفنوك هناك .. وهو مش هيجى المقابله دى .. بعثتك عنوانه هو دلوقته فالقصر بتاعه لوحده
مفيش حد .. انا اتخلصتك من كل الشغالين هنا

حسام : وانا ايه يخلينى اصدقك؟؟ واثق فى كلامك مش جايز كمين؟؟

المتصل : مقدامكيش حل تانى اهرب بسرعه واخرج من اتجاه تانى غير اللى انت دخلت منه
قال اخر كلماته وانتهت المكالمه ..

لم يملك حسام سوى ان يثق فى كلام ذلك الشخص خصوصا انه راي سرب من العربيات
السمراء متجهه الى المقابر فاسرع متخفيا وخرج من الاتجاه الثانى .. ولكن دياب لم يلحقه
تلك المرة ..

وحاوطته مجموعات ضخمة من الرجال .. معتقدين بانه هو حسام ابن الزهار .. وحتى ان لم يكن
فيسقتل ايضا .. فاوامرهم محدده وهى قتل اى شخص يروه هناك .. فهمم من تخلصوا من طابع
فى الصباح كى تكون المقابر خاليه تماما من اى شخص ..

طلب دياب منهم ان يقتلوه اما مقبرتهم .. اخبرهم بان ياخذوه لمقابر عائله الزهار .. وان يدفنوه
هناك حينما ينتهوا منه وبالفعل اخذوه الى هناك .. قال دياب بعض الكلمات التى لم يسمعها او
يفهمها سوى من هم بالداخل .. وماهى ثوانى الا واشهروا جميعا اسلحتهم موجهينها تجاه دياب ..

ولكن هل يترك الزهار ان يحدث ذلك بحفيده .. انفتحت كل ابواب المقابر وخرج منها كل من
بالداخل .. ووقعت كل اسلحتهم فى اقل من ثانيه ... الاشباح والاصوات المرعبه تملئ المكان ..

وخرج ذلك الشبح الذى راه ماجد من قبل ومن قبله دياب .. انه الزهار .. بذاته

انقض على هؤلاء الرجال واوقعهم جثث هامده فى الحال .. كل شىء حدث سريعا ..

انتهت الضوضا وسكنت المقابر .. واقترب منى ذلك الشبح وقال لى ..

انا جدك يادياب .. وخبيت عليك اول مرة وقولتلك انى ابوك .. عشان متكرهنيش بسبب اللعنه

اللى حصلتاك ..

دياب : لعنه ايه ؟؟

الزهارة : انت اما ادفنت معايا .. لمست كفى .. وانا اما موت

موت وانا ماسك كتاب السحر الاحمر مطبق عليه بايدي متبت فيها .. حاولوا يشلوه من ايدى بكل الطرق معرفوش .. الحل الوحيد عشان ياخذه من ايدى انهم يقطعوها .. بس والدك رفض مهونتش عليه وياريتنى هونت بينى.

الكتاب ده حلقه وصل بين عالم الاموات والاحياء وليه قدرات عجيبه .. عشان كده موت وانا بدافع عنه .. انت اما لمست الكتاب .. رديت فيك الروح بس مش مجرد روح عادية .. دى روح امير من امراء الجن ... اقوى امير فى قبائل الجن .. عشان كده ممتش اما اضربت بالرصاص اما كنت مع عمك ياسين ... مع ان الرصاص كان اخترق القلب بس روحك مصنوعه من فولاذ وقدرتك على الشفاء الذاتى عاليه يادياب .. فاكر اما عمك ياسين قالك روح للمكان اللى ابدى فيه كل شىء ؟؟

عارف كان قاصده على ايه ؟؟

كان قصده على المقبرة على الكتاب ده لانه هو الوحيد اللى عارف بامرته بعد ابوك .. بس حمزاوى كان قايل لابنه عليه ... واما حمزاوى مات رحيم بعث ناس كثير تدخل المقبرة وتاخذه بس كنت بقتلهم كلهم زى ماقتلت كل دول ..

دياب : انا كنت حاسس بانى مش طبيعى وان فيه حاجه غلط م البدايه .. انى عمرى مذاكرت وجبت كليه طب بسهوله .. وكل سنه كنت بنجح بامتياز بدون مذاكرة .. وقلت من الموت كثير الزهارة : عارف بس كل ده هيتعدل يادياب .. قدامك اختيارين وكل اختيار انت اللى هتبقى مسؤل عنه مسؤليه كامله ؟؟

دياب : ايه هما ؟؟

الزهارة : انك تدخل المقبرة وتحرقها بنفسك .. وتفقد كل قوتك وسرعتك وترجع انسان طبيعى .. وانا هختفى خالص

بس فرصتك فى الحفاظ على حياة حسام ومى هتقل

دياب : مى ؟؟؟؟؟؟؟؟؟؟ هى فىن ؟؟ هى عايشه ؟؟؟

الزهارة : اه عايشه وهترجع بكرة يادياب على سفينه .. جايه من فرنسا .. السفينه هتكون بورسعيد

مى هترجع طبيعى اما تشوفك ونفسيتها هترتاح ..

دياب : طب وحسام حسام فىن وهرب على فىن ؟؟

الزهارة : حسام راح لقصر العزازى

ولازم تختار بسرعه ...

دياب : انا اخترت حياة حسام خلاص من سنين ..ولو ده على حساب نفسى ..

الزهارة : ممكن تغير اختيارك دلوقت لكن بعد كده مش هتعرف دى فرصتك الاخيرى يادياب

دياب : انا مش هتخلى عنهم وهكمل زى مانا ..

الزهارة : انت مسؤول عن اختيارك ومش هتلق تنفذ الكل قالها واختفى ..

وذهب دياب مسرعا ليلحق بحسام ..

فى الميناء حيث توجد قوات الشرطه وقوات من التدخل السريع تحت قياده وزير الداخليه يوسف عبد الرحمن حيثوا قاموا بالانتشار والاختباء بجوار الشحنة ...وفى نفس التوقيت ذهبت مجموعه من القوات الخاصه للمعمل باكتوبر وقامت بالقضاء عليهم

سامح : اخيرا وافقت يا استاذ ابراهيم

ابراهيم : المضطر بقى يا استاذ سامح ..انا معنديش اغلى من اسرتى ومن الفلوس

سامح : واحنا مش هنقرب منهم بدام مش هتخونا ..وادم الفلوس ..

ابراهيم : تمام جدااا وادم مفاتيح اقفال الشحن ووورق الاستلام والخروج ..

كان ابراهيم يتمتع بثبات وبرود على .. لدرجه انه لم يشك سامح للحظه انه متفق مع الشرطه ..

حاول ابراهيم التملص منهم ..ولكنهم اجبروه على الوقوف معهم لحين الانتهاء من تحميل العربات ..

فقام يوسف عبد الرحمن باعطاء اوامر للقناصه بقتل كل من يقف بجوار ابراهيم وبالفعل بدا الاشتباك بين رجال الشرطه و تلك العصابه ..وتقدم يوسف عبد الرحمن الصفوف وذهب مسرعا تجاه ابراهيم لحمايته .. وبالفعل وقع كل رجال العصابه بين قتيل وجريح واسير ..

ولكن سامح كان يخفى سلاح وراء ظهره فقام باخراجه واطلق رصاصتين تجاه ابراهيم ..كى ينتقم منه لخيانته لهم .. فقام يوسف عبد الرحمن بدفعه بعيدا واخذ هو الرصاص عنه ..وقام بقتل سامح على الفور ..

تجمعت رجال الشرطه حول يوسف لتسعه ..ولكن الرصاصات اخترقت جسده .. ونزيف الدم شلال لا يتوقف اخبرهم بان يستدعوا ابراهيم على الفور وطلب منه بان يخبر حسام ..

بانه يحبه كابنه وانه سيفتقده ..ويعتذر له عما حدث سابقا ..وتلفظ بالشهاده ومات على الفور ..

فى منزل ابراهيم حيث ..نجلس رحيق وامها وهم فى حيرة وقلق وخوفا على من خرج ولم يعد حتى الان

رجع ابراهيم مع مجموعه من الطباط لمنزله .. واخبر رحيق بكل ماحدث ..

دخل حسام لقصر العزازى وبالفعل لم يجد احد اطلاقا .. ف باب القصر مفتوح على مصرعيه

ولا يوجد بجواره احد اكمل فطريقه حتى دخل بالداخل بهدوء ف سمع حوار بين ثلثه اشخاص لم يميز منهم سوى صوت العزازى ..

العزازى : انا مش قادر اصدق دانيال وفكتور موجودين بنفسهم فى مصر وعندى فى البيت ..

دانيال : كان لازم نازل عشان نشرف بنفسنا على كل حاجه ..

العزازى : للدرجه دى حسام عامل قلق للموساد الاسرائيلى؟؟

فيكتور : انت بتقول ايه؟؟ مش قولنا الكلام ده ميتقالش نهائى

العزازى : القصر فاضى مفيهوش حد

فيكتور : حتى لو مفيهوش حد .. حتى لو فاحلامك

الجملة دى متكرش تانى ..

دانيال : اهدى يافكتور .. احنا مش خايفين من حسام

احنا خايفين من اللى بيعمله حسام واسلوبه وحب الناس ليه .. طول ماالناس متفرقه وجاهله وعاطله مهمتنا بتبقى اسهل ..سهل نقسم ونفرق ونخترق اى نظام بسهولة ..

وصلت رساله لهاتف عزازى محتواها بان حسام قد قتل وتم دفنه وان الحراسه فى طريقها للقصر ..

عزازى : خلاص دلوقت نقدر نقول مبروووك حسام اتقتل واسطورة ابن الزهار انتهت اخيرا

شعر الجميع بلذه الانتصار والفرح اخيرا تخلصوا من هذا الشخص الذى سبب لهم الرعب

والقلق فى كل تلك الفترة السابقه ..

وبعدها بدقائق رن تليفون العزازی .. وبدی انه مستاء من تلك المكالمه ..

دانیال : مالك فيه ايه ؟؟

العزازی : شحنه الاغذيه الفاسده والمخدرات اتقبض عليها ورجالتی اتصفوا

وظلعوا امر بالقبض عليا ..

فيكتور : ازای ده حصل ؟؟؟؟

العزازی : مش عارف بس وزير الداخليه يوسف عبد الرحمن اتقتل فالعمليه دی

دانیال : اخيرا خلصنا منه .. احنا لازم نهرب دلوقت

رن تليفون حسام .. واصر صوت عالی فسمعه كل من بالداخل وخرجوا شاهرين اسلحتهم

وحینما وجدوا انه حسام .. اصابتهم الدهشه والرعب

العزازی : حسام انت ازای عایش وازای وصلت لهننا ؟؟

حسام : نصيبكوا عشان اكشفكوا واعرف انك وسخ وقذر وتبيع وطنك لليهود واللصهاينه

العزازی : الوطن بنسبالی هو الفلوس والحمايه .

قام الجميع باطلاق الرصاص على حسام .. ولكن لم يصاب بخدش واحد

استغرقوا ثوانی قليله حتى ادركوا ان تلك الرصاصات لیست حقیقيه بل فيشنك رصاصات

صوت فقط ..

دانیال : انت خنتنا ياعزازی ؟؟؟ مين بدل الرصاصات ؟؟

فی تلك اللحظه ظهر شخص يعرفه الجميع جيدا انه ماجد العزازی

ماجد : انا اللی بدلت الرصاصات وحذرت حسام وعرفته مكانك وخطتك

العزازی: وانت برضو اللی بعث الرساله وقولت انه مات ؟؟

ماجد : لا مش انا

العزازی : امال مين

ظهر شخص اخر .. شخص لايعرفه احد سوى حسام انه دياب ابن الزهار ..

دياب : انا اللی بعثتك الرساله دی .. وقتلت كل رجالتك وهبعتك ليهم في جهنم في رحله ابدیه

حسام شعر باناه في حلم .. وانهاالت الدموع من عينيه كانها شلال منفجر

وجرى على دياب واحتضنه .. احتضنه كانه طفل ذو اربع سنوات فقد امه منذ عمر وقد وجدها بعد قرونا من البحث عنها .. احتضنه بكل قوته حتى كادت اضلاعه تنكسر بل تندمج .. وتلتحم كلاهما بيكى .. اخيرا حدث هذا اللقاء ..

حسام : انت ازاي عايش يادياب؟؟

دياب : اما نخرج هحكياك كل حاجه ..

دانيال : انت دياب ابنه عمه؟؟ مش انت اللي قتلت حمزه ابن حمزواوى؟؟

دياب : اه وقتلت كل رجالتكوا اللي بعثوهم عشان يخلصوا من حسام ..

وانا اللي شلت المخدرات والاسلحه من مصانعه وشركاته ..وانا اللي قتلت العمال اللي خانوا حسام عارف قتلتهم بايه؟؟

بعقار البارستيامول السام .. اللي بيحول لون الدم لازرق .. ويبوظ كل اجهزة الجسم ويدمرها ..

وللاسف الشديد انتوا شربتوه من شويا كلكوا .. صديقى ماجد ساعدنى

وكلها دقايق واعراضه تظهر وتموتوا

العزازى : ليه كده ياماجد؟؟

ماجد : عشان جايز اكون شخص وحش .. بس مش خاين زيك انا شفت الذل بسببك

والفترة اللي فاتت حاولت انتحر بدل المرة الف لولا دياب هو اللي نقذنى وساعدنى ..انت خاين يا عزازى ولازم تموت

وعلى فكرة كل شىء اتصور صوت وصورة ... واعتقد دى هتبقى اكبر ضربه ليكوا

وبالفعل وقع الثلاثة فيكتور ودانيال وعزازى على الارض يتلوا من الالم .. ويصرخوا بكل قوتهم .. وخلال دقيقتين سكنت حركاتهم واجسادهم واصبحوا جثث هامده ..

دياب : انت ناوى على ايه دلوقت ياماجد؟؟

ماجد : ولا حاجه انا هفضل قاعد هنا لحد ما البوليس يجى انا غلظت ولازم اتعاقب

بس انا من جوايا مرتاح .. مبقتش اشوفهم تانى

انتوا لازم تختفوا من هنا حالا ..

وبالفعل خرج دياب وحسام من القصر تاركين ماجد مع تلك الجثث ..

وهم فى طريقهم للعودة اخبر دياب

حينما رات مى .. اخيها حسام انطلقت تجاهه بسرعه البرق وارتمت بين احضانه باكيه .. ولم تسعفها الكلمات .. فدموعها الحارة كانت كافيته لتخبره بكل شىء ..

حينما هدات دموع مى .. اخبرتهم عن الدكتور اسعد وما فعله معها حتى تصل الى هنا .. وقيام حسام باحتضانه وطلب منه ان يزوره فشركتته فى اقرب وقت .. فهو يريد ان يعمل معه وان يصبح مديرا لمستشفيات الزهار ... وانطلق دكتور اسعد وتركهم .. بعد ان اطمئن على مى وعاد حسام ومن معه الى منزله .. وفى الطريق عرفها برحيق ومن معها واخبرها بانها حبيبته وخطيبته وزوجته المستقبلية ..

وبمجرد دخولهم .. من بوابه القصر .. وجدوا الانوار المضيئه المبهجه معلقه بكل مكان .. وليس هذا فقط .. اسم رحيق ومى يوجد بكل الخطوط والاشكال .. على كل مكان .. وباضواء مختلفه .. وعلى لوحه كبيرة كتب عليها ..

اليوم يوم مبارك .. فقد عادت الروح الى الجسد .. بعد فراق قد بلغ عام وخمس اشهر وثلاثه اسابيع ويومين .. وبعض الساعات والدقائق .. تلك الفترة مرت على قلبى كأنها نار مشتعله ولكنها خمدت برجوعك يا عزيزتى .. فقد انطفت حياتى منذ رحيلك .. ولكنها اضاءت الان يا مى ..

امضاء /دياب الزهار

وبجوار اللوحه الاولى لوحه كبيرة مضاءة بالوان مبهجه كتب عليها الى من اضاءت حياتى وازالت العتمة والظلام من ثنايا قلبى .. الى صاحبة الوجه الملائكى والقلب الابيض النقى الذى لم ارى مثله من قبل كأنه غسل بماء زمزم .. الى رحيق الجنة التى جعلت قلبى ينبض مرة اخرى ووهبت له الحياة من بعد طول ثبات .. اليوم اطلب يدك لتكونى زوجتى وشريكى وجنتى يارحيق الحياة ..

امضاء / حسام الزهار

وفى ظل هذه الاحتفالات والفرح الشديد كان هناك من يراقب كل شىء بدقه شديدة .. فى الخفاء ويتابع كل الاحداث بصمت رهيب ويعلو وجهه ابتسامه شاحبة ..

#تمت_بحمد_الله

أتمنى اول رواية كتبتها تعجبكم وتنبسوا وان بتقرواها

شكر خاص للاصدقاء

ل خالى اشرف فعلا مكديش اللي قال الخال والد

ولبنته رباب ربنا يحققك كل طموحاتك واحلامك واشوفك مديعة كبيرة وتجوزي ونخلص منك بقا

ايمن سامى اخويا الكبير

اسلام سند ابني البكرى وصديقى العزيز

أماني خالد .. شكرا لوجودك بالجوار حفظك الله وحققك كل طموحاتك واحلامك

المهندسه / اسماء سلام اختى اللي تعلمت منها حاجات كثير فى وقت قليل .. اقوى حد شوفته فى حياتى .. ربنا يحققك كل امنياتك

ايمن حسين توامى واطيب حد فالدنيا وصديقى اللي عمرى ماهنساه

محمد احمد الكبير صاحب صاحبه واجدع حد عرفته

محمود امين .. على صابر .. احمد رمضان .. صابر عبد العزيز .. مجدى الديب .. احمد

مختار .. احمد عنتر .. اصدقاء الثانوية وعشرة عمر شكرا لوجودكم فى حياتي

لدكتوراة وفاء شكرا لدعمك وتشجيعك ووجودك ... المهندسة غادة والاستاذة علا عوضكم الله خيرا عما فقدتوا ورزقكم سعادة الدارين يا اصدقائي

مرام مصطفى .. بشاير عادل .. محمد عصام .. محمد فؤاد .. زمائل الكليه ورفقاء الكفاح

معلومات عن الكاتب

الاسم عماد عبد الحليم عساكر

خريج كليه التربيه بجامعة عين شمس قسم اللغه الانجليزيه

السن ٢٢ عاما

نشرت العديد من القصص على مواقع التواصل الاجتماعى .. منها المغامر .. طريق جهنم .. رسيل .. ارض الفزع .. وشم فالكيرى .. دكتور نفسانى .. العقرب .. كتيبة الابطال

